

مُحَمَّد إِبْرَاهِيمْ

لِسْبِيج
لِسْنِبِلَادِ رِيتِ

كتاب يهمس في أذنك
بصدق عن حقيقة المشاعر
وطريقة التعافي من الخذلان.

محمد إبراهيم

سبعين سنبلات



تقديم

نهاية يوم آخر - السابعة مساءً

أجلس في شرفي متأملاً تلك السنوات التي مضت من عمري، وهي تلوح لي بعيداً جدًا.. بين عدد لا نهائى من الذكريات والمشاعر المتضاربة والكثير جدًا من الأمنيات الراحلة، والقليل من الأمنيات المتحققة.

أجذبني أسئل بيبي وبين نفسي: «هل أنت سعيد الآن؟». تجذبني ضحكة بعيدة تطلقها ابتي الصغيرة، وهي تقاؤم في دلال محاولات أمها الباسلة لإطعامها ملعقة صغيرة من علبة الزبادي بين يديها.

تردد على سؤالي ضحكة تلك الطفلة الصغيرة المشاكسة مثل أبيها لتقول لي:

- «وكيف لك ألا تكون سعيدًا؟»؟

نعم، رغم كل شيء أعترف لنفسي بأني سعيد. سعيد بالتجربة والمحاولة.. سعيد بالإخفاقات والمحاولات المستمية للبقاء حيًا وسط كل هذا العالم الصاخب مليء بالحزن والوحدة والخيانة والكذب والحقد الدفين وافتقار المسؤولية ومحاولات

الجميع من حولك لإفشالك وتشييط عزيمتك.

سعيد رغم رحيل من رحلوا، وبقاء ذكرياتهم الحزينة
ترافق حولي كل يوم.. سعيد؛ لأنها تذكّرني كل دقيقة من أنا،
ومن كنت، ومن أريد أن أكون.

العمر ساحة حرب مستمرة.. صغيرة أحياناً لا تزيد على
بعض المناوشات العادية مني ومنها.. وكبيرة ملحمية دامية في
أوقاتٍ أخرى.. لكنني وبعد أن تعرفت على نفسي في نهاية المطاف
اكتشفت أنني لو لم أخض كل هذه المعارك والانكسارات
والهزائم والانتصارات لم أكن ما أنا عليه الآن.

سعيد؛ لأنني راضٍ بما قسمه الله لي في النهاية من خبرة
التجربة، فلو لاتها لم أكن لأعلم قيمة النفس البسيط الذي
أتنفسه.. والضحكة الرائعة التي تطلقها صغيرتي الآن.. وجملة
«خلي بالك من نفسك» التي تطلقها صغيرتي الأخرى (زوجتي)
ونصفي الآخر في كل شيء.

ومن رحم التجارب، والانكسارات، وأغنيات البقاء
والوداع، وكلمات الذين رحلوا، ووعود الذين بقوا للنهاية..
أحكي لكم عن السنبلاط السبع الذين قابلتهم في حياتي.

في بداية كل علاقة دائماً ما يكون هناك أمل ووعود مبهجة
بالسعادة اللانهائية.. ورغم أننا نعلم جميعاً أن هذا في الغالب غير
 حقيقي.. فالحياة ليست بالجنة.

عندما أمر الله عز وجل أبانا آدم بالنزول إلى الأرض قال
سبحانه وتعالى:

﴿قُلْنَا أَهْبِطُوا مِنْهَا جَمِيعًا فَإِمَّا يَأْتِيَنَّكُمْ مِّنِّي هُدًى فَمَنْ تَبَعَ هُدَائِي فَلَا خَوْفٌ عَلَيْهِمْ وَلَا هُمْ يَحْرَنُونَ﴾ [سورة البقرة: ٣٨].

تخبرنا الآية الكريمة بأمر شديد الأهمية:

إن الله سبحانه وتعالى أمر آدم وزوجه تكليفاً بالهبوط. لنعرف
أن هذا الخطاب موجّه إلى آدم وذراته جميعاً إلى يوم القيمة^(١).
 جاء أمر الهبوط بصيغة المثنى.

وما دامت هذه بداية التكليف، فهناك طرفاً سيواجهان
بعضهما.

الطرف الأول: هو آدم وزوجه.

والطرف الثاني: هو إبليس.

وهذا ما وددتُ أن أتحدث عنه.. فليس من اللائق لجنسنا
البشري الذي اصطفاه سبحانه وتعالى أن تحول معركتنا الطويلة
مع إبليس إلى معارك شخصية بين الطرف الأول وبعضه بعضاً.

لماذا نترك الكذب يسيطر على حياتنا بهذا الشكل؟

لماذا نتبادل التهم بالخيانة والجفاء والهروب من المسؤولية
والأنانية، في حين أننا دخلنا كل هذه العلاقات والهدف الأوحد
منها هو الإحساس بالأمان والسعى وراء السعادة المنشورة؟

(١) تفسير الشيخ محمد متولي الشعراوي.

وتطبيقاً لقوله سبحانه وتعالى:

﴿ وَمَنْ ءَايَتِهِ أَنْ خَلَقَ لَكُمْ مِنْ أَنفُسِكُمْ أَزْوَاجًا لِتَسْكُنُوا إِلَيْهَا وَجَعَلَ بَيْنَكُمْ مَوَدَّةً وَرَحْمَةً إِنَّ فِي ذَلِكَ لَذِكْرًا لِقَوْمٍ يَنْفَكِرُونَ ﴾ (الروم: ٢١).

كيف لنا أن ترتكب هذا الجرم في حق بعضنا؟

السبلات السبع التي سأتحدث عنها سأحكي لكم فيها بكل أمانة رأيي وخبرتي الشخصية، وما رأيته بعيني أو عشته مع المحيطين.

سبلات سبع خضر.. إما أنها تحفي العلاقة، وتسير بمركب الطرف الأول إلى شاطئ الأمان.. أو سبلات يابسات تتصبّد دماء العلاقة منها كانت قوية، وتميّتها منها حاولنا أن نرويها.. فأساس العطش هنا هو عطش المعلومة وافتقار الحكمة ونقص الخبرة والتجربة.

وما لا شك فيه كما سأكرر دوماً أن ما سأقوله هنا هو رأي شخصي.. مبني على تجارب شخصية، وليس معادلات فيزيائية رقمية لا تخضع للجدال أو النقاش، على العكس، بل هي تختلف ميزاناً وتطبيقاً من شخص لآخر، ومن علاقة لأخرى، ومن بيئة لأخرى.. لكنها -وهذا ما أظنه- تلاقت مع الكثير جداً من المشاكل التي رأيتها وعشتها دوماً في حياتي وحياة الآخرين.

محمد إبراهيم



القسم الأول

السنبلات الخضر

السنبلة الأولى

البرعم



سحر البدائيات

الحب

الداعي اللي بيخلينا نتغير ونخرج من المنطقة الآمنة، ونجازف ونضحي ونعمل المستحيل من غير مقابل، الإحساس اللي بيخلينا نمشي من غير ما نسأل إيه اللي هيحصل بكره، ونعاشر عشان نفضل متمسكين ببعض.

الرابط الغريب اللي بيخلி كل حاجة ليها طعم، الجنون اللي بيخلينا نوصل لأعلى معدلات الدوامين (السحر الحال)^(١).

الحب اللي ممكن يبقى بين الصحاب والأهل، ممكن نقول حبك للسينما وللكرة، حبك للمزيكا وللقراءة، حبك لنفسك ولمستقبلك اللي انت بتحلم بيها، الحب يليق بكل حاجة، أي حاجة بتحررك ناحية أي شيء وتخليك تبذل مجهد وانت مستمتع ومش مستني مقابل.

الحب في بدايته بيبقى قائم على العطاء.

كل واحد بيبقى عايز يدّي للثاني كل حاجة؛ لأن كل واحد بيحاول يقول بأفعاله «أنا أستاهل أتحب»، وكل واحد بيحاول

(١) مادة تفرز في المخ، وتُعرف عالمياً باسم «هرمون السعادة».

يبهر الثاني ويأكده إنه اختار صحيحة، كل واحد بيحاول يقدم نفسه باندفاع فيه كم عجيب من التصرفات المجنونة، بداية من الطريقة اللي اتعرفوا فيها على بعض، ومروراً بالليوم اللي بتبقى واقف فيه تحاسب (الكاشير بتاع لابوار) وانت رايح تخطب، لحد اليوم اللي بيتفقد عليكم فيه باب واحد، وسط حالة من الزغاريد والأمنيات بالرفاء والبنيين والسعادة.

الحب إحساس مدهش وكأنه نداهة بتندحك، وتخليك تجري وراها زي المجاذيب، إحساس إنك طاير، وإنك لامس كل نجوم السما وانت ع الأرض، إنك مش عايز حد يفوقك، ولا عايز حد يعارضك، ولا عايز حد يحكم على تصرفاتك.

بتكون مبسوط بنفسك بشكلها الحالي أيّا كان ومرتاح وراضي عن كل حاجة بتعملها.. كل همك إنك تسعد الطرف الثاني بأي شكل، ساعتها بتعرف يعني إيه جملة (تعبك راحة)؛ لأنك وقتها مش هترتاح فعلًا غير لما تحس إنك تعبت عشان اللي بتتجبه.

نزار قباني بيقول:

لولا المحبة يا مدللتني ما أصبح الإنسان إنسانا
وده لأن الحب جميل بيردّ الروح، وبيحسس الإنسان بنفسه
تاني، أي إنسان لما بيتحب بيحس إنه منور أو على الأقل بيقدر
يواجه لحظات الانطفاء والانهيار اللي مرّ فيها.

الحب هو البداية الجديدة اللي بتظهر لك بعد ما تحس إنك

هتفضل في نفق الوحدة طول عمرك، بيبقى طوق النجاة اللي بيتمدّ
لك في عز ما انت فاقد الأمل ومش عارف تحس بأي حاجة ناحية
أي حد، وخصوصاً لو حبيت حد من فئة المدهشين، المبدعين،
اللي بيعملوا كل حاجة بطريقة مختلفة، الناس اللي بتخليلك تعيد
اكتشاف ذاتك، الناس اللي بتستفز مشاعرك وبتجننك معاهم.

لأن فيه علاقات بتبقى عاملة زي المياه الراكدة، علاقات
فيها ثبات ممل، علاقات غير بتوع المفاجآت غير المتوقعة، غير
بتوع:

- «انزلي أنا تحت البيت».

أو:

- «البسي أنا عازمك ع العشا».

غير اللي هيأخذوا بالهم إنك قضيتني شعرك أو لبستي فستان
جديد، واللي هتاخد باها إنك بتحب الشاي بارد من غير ما
تقول.

غير المزاجنجية في الحب والناس اللي بتحب برواقه، اللي
بتاخد القرار وتنفذ، ملهومش في الحب بتاع الشوكة والسكينة،
دول ناس لما بتحب بتتجرف ومفيش في قاموسهم كلمة فرامل،
اللي من وجهة نظري بيشكلوا أصدق وأمتع أنواع الحب، وده
عشان نسبة الزيف فيه صفر %. (كل حاجة طالعة من القلب
للقلب فعلًا).

الحب هو اللي بيخليلك فاكر طعم أول كل حاجة.
أول مرة ت Shawوفها، أول مكالمة تفصل بعد ساعة، أول أغنية
تبعتها، وأول صورة في المحفظة، وأول خروجة، وأول هدية،
الحب هو ابتسامتك وانت بترابع الرسائل القديمة في فترة
الاستهبال وجسّ النبض، هو الحاجات اللي انت عملتها عشان
تتعرفوا على بعض، هو الماسنجر اللي بيعمل بالصدفة، ورحلتكم
إلى الواتساب، هو البوستات المقصودة والقلق اللي عشته لما
موبايله فصل، هو طعم أول مرة تسمع كلمة «بحبك» منها
بعد فترة المكابرة، وأول مرة تحس إن حياتك تحولت لشخص
واحد كل همك أزاي تخليه دايمًا مبسوط وراضي، هو أول خناقة،
وأول كلمة آسف، أول قلب أحمر بعد آلاف القلوب الخضرا
اللي اتبعت لك، وأول وحشتني اتقالت، هو طعم كل تفصيلة
عملت لحياتك طعم، وكانت قشة مسكت فيها وانت غرقان
في وحدتك.. هو ده الحب اللي بيخليلك لامس كل نجوم السما
وانت ع الأرض!

وعشان كده أول ما تحس إنك بتتجنن وبيتصرف من غير
خطة، وإن حياتك اتلخبطت وخلاص مش عارف انت رايح
فين بس مبسوط اعرف إنك بتحب.

أنا عن نفسي مكتتش مصدق أزاي بتتحقق جملة إن السعادة
ممكن تيجي من رحم المعاناة حرفياً، وازاي ربنا بيعت لك

شخص في فترة انهيارك وهزائمك وحسايرك عشان يكون سبب
رجوع كل حاجة لمسارها الطبيعي.

و كنت كتبت قبل كده

«اطلع بروحك للسما ومدد ربك كريم جاي بالمدح حالاً»

في حاجات عشان للأحلى تتجدد لازم كده تتهجد إجمالاً»

خلوني أحكي لكم إن في نفس السنة وانا بعيش أسوأ فتراتي
وبمر بانتكاسة مكنش يتهيائي وقتها إني أقدر أقوم منها وفي يوم
عادي، يوم جه بعد خساير متكررة في كل اتجاه، وكنت مكتئب
بقالي شهور.. بطلت أخرج من البيت تقريباً، بطلت أكتب،
صحتي بتسوء، سبت شغلي، صحابي افلتروا في زحمة حزني،
مفضلاش غيري معايا في الآخر، كنت بفكر بشكل في متنهى
السلبية والبؤس، كنت حاسس إني انطفيت ووقدت، ومش
ممكن أقوم تاني.. لحد لما قابلت حب حياتي، وكل حاجة ابتدت
تاني، وحسيت إني رجعت عندي طاقة ومتوهج وعايز أشتغل
وأنجح وأقاوح وأقف تاني على رجلي.

حكيت القصة بالتفصيل في كتاب «مطلوب حبيب»
بس المرة دي هكلمكم عن سحر البدايات اللي أنا عشته،
وإن أول ما عرفت مرادي مكانتش تعرف عندي حاجة، اهتمامها
كله كان بالتصوير وبالرسم، حتى كانت تسمع عندي، بس عمرها
ما قرأت لي حاجة.

ده كان حب من أول نظرة، وكأني كنت عايز أقول لها
ال حقيقي، أنقذني حياتي، أنا محتاج لك، أنا حبيتك!
 حقيقي معرفش ازاي كل الكلام ده كان جوايا من أول مرة
 شفتها فيها، كل الكلام ده خرج مني في كلمة واحدة: «أوعي
 تمشي».

وبعد ما بدأنا نتكلم قالت لي إني كنت يوم ما اتقابلنا ببصلها
 زي ما أكون أعرفها لدرجة إنها افتركتني بشبّه على حد، بس
 أنا كان قدامي في الحفلة أكثر من ٥٠٠ شخص، وفي الحقيقة أنا
 مكتتش شايف غيرها حرفياً.

حكت لي هي بعد كده عن إنها شافتني زمان مرة وانا خارج
 من مكان، و كنت منكوش ومتبهدل ومكشر وبتخانق مع دبان
 وشي، ومع ذلك بصيت لها نفس البصّة، لدرجة إن واحدة
 صاحبته سألتها (هو بيتص لك كده ليه؟).

والغريب في الموضوع إني مش فاكر الموقف ده تماماً، وكأنه
 اتسخ من ذاكرتي فعلًا، بس لما قالت لي كده أتأكدت أكثر إنها
 قدرى ونصيبى.

كنت مصدق من قبل ما أعرف حتى اسمها إني هتجوزها،
 مفيش تفسير حقيقي للي حصل غير إن وجود مراتي في حياتي كان
 استجابة ربنا للدعوة أمي لما كلمتها وهي في العمرة، وانهارت من
 العياط وقولت لها ادعى لي ربنا يجبر بخاطري، المكالمه دي كانت قبل

ما أقابل مراتي بفترة بسيطة، وطول الفترة دي رسائل ربنا حواليا
كانت بتطمئني جداً، وبتحسني إن الدعوة في طريقها للاستجابة.
كنت طول الوقت قدامي آية من سورة الضحى: ﴿وَلَسَوْفَ
يُعَطِّيلَكَ رَبِّكَ فَتَرَضَّع﴾ وسبحان من رزقني بـ«آية».

من الحاجات اللي خلتني أتمسّك بيها جداً إنها كانت طول
الوقت بتختارني، وطول الوقت باقية عليا، مبسمعش منها دايماً
غير كلمة: (أنا جنبك)، (متزعلش)، (أنا عايزه أكمل)، كانت
دايماً تقولي: (ترعلك الدنيا وأراضيك أنا).

وعلى الناحية الثانية مكنتش أتحمل زعلها أبداً، كنت متعدود
كل ما تزعل أروح أجيب بوكيه الورد وأعملها زيارة مفاجئة
عشان أراضيها وأطيب خاطرها.

ولما جينا في الفترة اللي قبل الفرح دي اللي كنا بنختلف كتير،
ومضغوطين أكثر، فكنت كل أسبوع أجيب بوكيه ورد وأروح،
لدرجة إنها جت في مرة قالت لي:

– بقولك إيه، هو انت كل مرة تزعّلني هتجيب لي ورد؟ المرة
الجاية ابقى هات حاجة ناكلها سوا.

أنا لحد النهارده معرفش بحبها ليه تحديداً، بس دايماً بشوفها
طوق نجاتي، وسبب سعادتي، والفرصة الثانية اللي جت لي عشان
أكون الشخص اللي أنا عليه دلوقي، ممكن سحر البدايات يكون
ما استمرّش، وفترة الاستهبال بتاعتة انتهت، وده طبيعي، بس

الحب بيكبر والعشرة بترفع من رصيد الغلاوة، واحنا من وقت
للتاني بنفكـر فترة البدائيـات ونتنهـد ونضـحـكـ ونجـدد مشـاعـرـنا
عشـانـ الذـكريـاتـ الجـميلـةـ ديـ هيـ الليـ بتـخلـيـ الحـبـ يـدوـمـ؛ لأنـ
الـحبـ أـكـبـرـ نـعـمةـ فيـ حـيـاةـ أيـ إـنـسـانـ،ـ المـهـمـ إـنـ يـكـونـ معـ الشـخـصـ
الـمـنـاسـبـ عـشـانـ يـنـوـرـ ويـجـسـ بـنـفـسـهـ.

فيـ فيـلمـ «ـنـادـيـ الرـجـالـ السـرـيـ»ـ غـادـةـ عـادـلـ اـكتـشـفـتـ إنـ
كـرـيمـ عـبـدـ العـزـيزـ بـيـخـونـهـ سـأـلـتـهـ:ـ «ـحـبـيـتـهاـ؟ـ»ـ قـاـلـهـاـ:ـ «ـحـبـيـتـ نـفـسـيـ
مـعاـهـاـ»ـ.ـ وـعـشـانـ مـحـدـشـ مـنـنـاـ يـقـعـ فيـ نـفـسـ الفـخـ،ـ أـنـاـ مـشـ بـبـرـ
الـخـيـانـةـ طـبـعـاـ،ـ وـمـشـ مـعـتـرـفـ إنـ فـيـهـ مـبـرـ أـبـدـاـ لـيـهـ.

لـكـنـ خـلـيـنـاـ نـحـطـ إـيـدـنـاـ عـلـىـ نـقـطـةـ مـهـمـةـ،ـ وـهـيـ إنـ أـهـمـ شـيـءـ
فـيـ الـحـبـ إـنـكـ تـبـقـيـ بـتـحـبـ نـفـسـكـ مـعـ الشـخـصـ الليـ اـنـتـ بـتـحـبـهـ.

* * *

السنبلة الثانية الفروع



«زدني بفرط الحب فيك تخيراً»^(١)

«الحب شيء جميل، عندما تجده، فإن العالم أجمع تبعث منه رائحة أحلام اليقظة»

من فيلم ٢٠١٦-deadpool

ده بالظبط اللي بيحصل لك كتيبة منطقية لمرحلة سحر البدايات، إنت بتكون لسه مخرجتش من مرحلة السحر، بل بالعكس إنت غرست فيها، إنت وبكل معنى الكلمة وترجمتها الحرافية بتعيش إحساس الـ *Falling In Love*.

وقدت على وشك.. حبيت.. حبيت فعلاً.. خرجت من مرحلة الانبهار والإعجاب لمرحلة التعلق الحقيقي بالشخص.. التعلق بكل تفاصيله الصغيرة والكبيرة، بنبرة صوته ونظراته وضحكته وتعابير وجهه وهو بيتكلم، بالطريقة اللي بيعبّر فيها عن زعله، غيرته، تكشیرته، وعصبيته.. شكله وهو سرحان في حاجة.. طريقة لبسه والألوان المفضلة بالنسبة له، البرفانات اللي بيستخدمها.. الأكلات اللي يحبها.. الأماكن اللي بيتردد عليها، كل حاجة متعلقة بيها من قريب أو من بعيد... إنت تلقاءً بتلاقي نفسك اتعلقت فيها من كتر ما انت بتحبه، وفي الوقت ده إنت

(١) ابن الفارض.

كل اللي بتشوفه بيبقى مميزات.. مميزات بس.
أنا مش عايز أصدلك بالواقع بدرى، بس عارف لما تقيس
اللبس في البروفة قبل ما ترجع تشووفه تانى في البيت.. كل الحكاية
إن انت ماشي ومش عارف انت رايح فىن.. لكن مبسوط،
مبسوط جداً.. شايف حياتك كلها عباره عن شخص واحد
ومتمسك بييه كأنه آخر وسيلة للحياة.. مستعد تحارب الدنيا
كلها عشان خاطره.

مستعد تروح لآخر العالم عشان تفضل معاه، تبذل مجهد
وتقدم عطاءات وتضحيات كبيرة، وتنزل عن حاجات مهمة
جداً بالنسبة لك عشان هو يكون راضي، وقتها بس كل اللي
بيتفرج عليك من بره مبيقاش فاهم انت بتعمل كل ده ليه،
وليه بتتعب كده، وليه اتغيرت وبقى بتعمل كل الحاجات اللي
محدش كان يتوقع إنك تعملها.

ليه تأجل خروجتك مع أصحابك مثلًا عشان تروح
تشوفها، ليه توفرى من مرتبك أو مصروفك عشان تجibbi له
هدية، ليه بترغى في الموبايل بالساعات في حين إن انت مع الناس
الثانية مبتكملىش الدقيقة.

تبقى هيام وعايش كأنك في حلم جميل مش عايز تصحي
منه أبداً ليه.

* * *

- يا بت أبو كي اشتري الهدوم دي عشان تلبسيها.
- إمتهى إن شاء الله؟
- يعني لما تيجي مناسبة.
- لا هتلبسيلهم بقى النهارده.
- يا سلام يا ماما عايزاني ألبس فستان جديد عشان أحّمي الحمار.
- حمار إيه يا بت اللي انتي مهتمية بيها وسايبة الحمار الثاني اللي قاعد في البيت؟!
- هو احنا عندنا حمار تاني في البيت؟
- أيوه.. عطية.
- يا سلام عليك يا ماما بطلی الهزار ده بقى.. عايزاني أحّمي «عطية» كمان؟

محمد خان شخص التحول اللي بيحصل في حياة (المُحب) وتأثير سهم كيوبيد عليه في أحد أمتع مشاهد فيلم «خرج ولم يعد» لما كانت ليل علوى وهي البنت الريفية البسيطة اللي مكمانتش تعليمها، ومتعرفش غير شغل البيت بعد ما استجابت لمحاولات أمها في لفت نظرها إنها تهتم بنفسها عشان فيه راجل جديد في البيت، راجل بدرجة عريس مستقبلي، إزاي بان التحول في الشخصية على مدار أحداث الفيلم، وإزاي كان حبها لـ«عطية» لعب دور كبير في اهتمامها بنفسها وحبيها في

الحياة، وخلالها وخلالنا معاها نكتشف قد إيه هي كانت شخصية
جميلة وتحب.

في ٢٠١٥ وتحديداً في ديوان «زي الأفلام» كتبت قصيدة عن
الأثر النفسي للحب على البنت، أول ما بتدخل تجربة جديدة،
وإذاً يتتحول من شخصية خايفة تقرّب منك لشخصية ممكّن
تعمل المستحيل علشانك، القصيدة بتقول:

في مصر البنت خوافة
وشفافة

بتضحك بس مكسورة
لاماح وش في الصورة
عشان ماتبانش نكديه

تبיע لك قلبها كله
مقابل أي حنية
وتتحول لأهل وبيت

وقلب يساع
وحضن يضم
في مصر البنت لو حبت

بتتحول لطفلة وأم
في مصر البنت لو حبت
ورود مشاعرها بتتنبّت

وترجع كلها رقة
ويصغر قلبها في السن
يا خوفي منها لما تغير
يا عيني عليها لما تحنّ!
تصاحبك: تبقى أجدع حد
تحبك: يبقى حب بحد
وتبقى اختك وبنوتك
وخدوتك ونهایتها
في مصر البنـت لو ضحـكت
بتضـحك ليـها مـراـيتها
يجـوز مـخلـوقـة من «ـسـكـرـ»
تدـوب فـالـعـمـرـ فـبـيـحلـوـ
يجـوز مـخلـوقـة من «ـطـيـةـ»
وطـاقـةـ حـبـ مـالـيـةـ الجـوـ
يجـوز في الأـصـلـ كـاتـ غـنـوةـ
بتـمـلاـكـ رـاحـةـ نـفـسـيةـ
ومـهـماـ تـلـفـ وـتـقـابـلـ
ماـيـفـضـلـكـشـ غـيرـ هـيـ
أـمـتـعـ وأـهـمـ حاجـةـ فيـ المـراـحلـ دـيـ إـنـكـ بـتـلـاـقـيـ حدـ شـايـفـكـ
شـخـصـ مـتـكـامـلـ،ـ شـخـصـ تـقـدـرـ تـعـمـلـ أـيـ حاجـةـ وـدـهـ بـيـأـكـدـ عـلـىـ

مقوله تانية من فيلم Deadpool

«أنت لا تحتاج أن تكون بطلاً خارقاً، فقط قم بإيجاد الفتاة المناسبة وهي ستجعل منك بطلاً خارقاً».

وأنا بذكر الفيلم ده تحديداً كمثال عشان بعد ما البطل ملامحه اتشوهت خلال الأحداث، وكان خايف إن حبيبته تبطل تجده خصوصاً إنه اختار في البداية يعيش من غيرها لحد ما يلاقى حل لمشكلته، وكان عايش في الوقت ده مع ست مسنة وضريرة يعني كده كده مش شاييفاه ومتش محسساه بمشكلته اللي شافها في كل نظرات الناس ليه، وكان صدق الفيلم بالنسبة في نهايته، وإنه بعد ما حبيبته شافته قالت له:

(بعد فترة هي هتعود، وفي النهاية هو مجرد (وش)، وإنها هتكون سعيدة لو كملت حياتها معاه).

طبعاً هي مقالتلوش إنه كده أجمل، وإن الجمال جمال الروح، هي قالت الحقيقة اللي تخليه يحترمها ويصدقها ويقبل دعمها ليه. كمية الدعم المعنوي اللي انت بتلاقيه من الطرف الثاني كفيلة إنها تخليك تتجاوز أي أزمة بتمر بيها، وتخرجك من دائرة أي ضغط، ووقتها بتحس فعلًا إنك تقدر تعمل أي حاجة.

كذلك في فيلم «Farida» وهو سيرة ذاتية عن حياة الرسامه والفنانه التشكيلية فريدا كاهلو، فيه مشهد بيجمع بين فريدا

اللي هي بطلة الفيلم ودييجو حبيها اللي كانوا بيدخلوا لأول مرة في علاقة، فريدا كان عندها هاجس نفسي من فكرة إن أي حد يقرب لها خصوصاً إنها اتعرضت لحادثة قديمة، وكانت آثار الخياطة والجروح مالية جسمها، وطبعاً ده أثر على ثقتها في نفسها، وكانت خايفه لو دييجو شاف آثار الجروح والنذبات دي إنه يفقد شغفه بيها.. وعشان كده هي بنفسها قالت له إن جسدها كله ندبات وجروح عميقه، وكشفت له أكبر جروحها عشان يشوفه، ومكانتش من دييجو إلا إنه قال لها:

(You are perfect)

استخدامه للتعبير ده تحديداً، واللي معناه (الكمال) كان سبب كافي إنه يمنحها الطمأنينة والسلام النفسي اللي يخليلها تحس إنها وجدت الشخص اللي يقدر يشوفها بقلبه قبل عينيه، كون فريدا شخصية مبدعة خلاها تحب نفسها، وتقبل نفسها زي ما هي، خصوصاً إنها طول الفيلم كانت بتقوله إنها بتحبه أكثر من حبها لبشرتها.. وكانت تقصد ببشرتها هنا آثار الجروح والنذبات اللي لبشرتها.. وكانت تقصد ببشرتها هنا آثار الجروح والنذبات اللي اتبثت فيها الحادثة.

أنا مثلاً عندي ما لا يقل عن ٣٢ غرزة في أجزاء متفرقة من رجلي الاتنين نتيجة لعمليات تطويل الأوتار اللي عملتها وأنا طفل مروراً بعملية معقدة في الركبة، طبعاً أنا مش هكذب وهقول إني كنت متصالح مع ده من البداية، خصوصاً إن الجروح دي كلها

حصلت في الفترة اللي كنت فيها من ٤ سنين لـ ١٥ سنة، يعني
عمرني ما كنت هبقى مدرك يعني إيه أحب نفسي وأقبل عيובי،
بس بمرور الوقت اكتشفت إن لما بحب حد بحبه برغم كل ما
هو عليه.. فأكيد لو حد حبني هيحبني زي مانا.. ده هيخليني
أحب نفسي وأتصالح مع ذاتي، حتى لو أنا مش متصالح مع
شكلي ومع عيובי سواء جسدية أو حتى نفسية.

أمر على الديار ديار ليلى أقبل ذا الجدار وذا الجدارا
وما حب الديار شغفن قلبي ولكن حب من سكن الديارا
(قيس ابن الملوح)

قيس ابن الملوح اللي من كتر حبه للليل العامرية لما شاف
الكلب بتاعها طلع يجري وراه عشان يعرف منه مكانها.. وهو
ماشي عدى على جماعة من المصلين وهو راجع قالوا له: إزاي
تشوفنا بنصليل ومتصليلش معانا؟! قال لهم: «والله ما رأيتكم، ولو
كنتم تحبون الله كما أحب ليل ما رأيتمني قط».

الحب بالدرجة دي من التطرف في المشاعر عمره ما هيخليلك
تشوف عيوب، وإن شفتها فهي عمرها ما هتهنك ولا هتفرق
معاك، حتى لو كانت من وجهة نظر الناس والمجتمع عيوب
مينفعش تتجاوز عنها.

وفي فيلم «رسائل البحر» مشهد مهم بيتكلّم فيه آسر ياسين
اللي هو يحيى عن حبه لبسمة اللي هي بطلة الفيلم.. وازاي هو

بيحبها بس مش قادر لحد اللحظة دي يتصالح مع فكرة إنها «فتاة ليل» مع إنه متعايش معها ومش قادر يستغنى عنها:

- يحيى أنت تقدر تتجوزها؟

- إنتي رأيك إيه؟ أتجوّزها؟

- ليه يا يحيى؟ ليه يا يحيى تشتري التذكرة لما أنت تقدر
تشتري الترومي؟!

- علشان مش قادر أقبلها زي ما هي.

- يبقى سببها، ومتتدخلش كتير في حياة الناس.

لازم نكون عارفين إن الحب كفّتين، ومفيش حد كامل،
ومفاجأة كان إننا مبنكمتش بعض، إحنا بتعيش بعض..
بنتأقلم على بعض.. عيوب شخص بالنسبة لشخص غيره ممكن
تبقي مميزات.. عشان كده كل واحد بيأخذ العيوب اللي مش
عارف يشوفها.. أو بمعنى أصح العيوب اللي وقت ما يشوفها
يقدر يتعايش معها.. أو عشان ده اللي هيخليلك تلاقي (المفتاح)
ال حقيقي لأي علاقة ناجحة، وأقصد هنا بالنجاح يعني استمرارية
العلاقة.. وقدرة الطرفين على مواجهة كل اللي بيحصل.

وفي النهاية هتللاقي نفسك مش بتاخذ حد شبهك، أو بتدور
على حد يكملك، إنت عايزة حد تكمل حياتك معاه في سلام، حد
مهما حصل بينكم يفضل باقي عليك، متحملك وعايز يفضل
معاك لآخر، حد يغير وجهة نظرك عن إن الناس محطات.. حد

تقدر تقول عليه:

(My Everything)

وكل واحد فينا عنده حدوده زي دي، عنده قصبة تعب فيها
وحب من قلبه، وعاش كل التفاصيل اللي بحكي عنها دي،
عاشرها واستمتع بيها، وبصرف النظر عن أي حاجة حصلت
بعد كده، إلا إننا هنتفق كلنا على إن كل المشاعر اللي عشناها في
المراحل دي كانت بجد.

وخلينا معترفين إن مشكلة المراحل دي هي إن ممكن
تطرفك في المشاعر وجنانك ده يكون عبء على الطرف الثاني،
وميقدرش يحتويه، ولا يتعامل معاه. لأن انت في المراحل دي
بتكون غير سوي، وتصرفاتك بتبقى مش محسوبة معظم الوقت،
وده على قد ما هو ممتع أحياناً على قد ما هو ممكّن يبقى ليه عواقب
وخيمة، ممكّن تلاقي نفسك من غير ما تأخذ بالك بقى بتتحب
بطريقة مزعجة، ووصلت لأقصى درجات الحب، وخطّت
سقف النشوّة، واللي قدامك لسه، لسه بيستكشفك، لسه بيعرف
عليك، وهنا مؤشر الخطورة بيزيد؛ لأنك بتتحس إنك بتفرض
نفسك عليه، أو بتتحب من طرف واحد؛ لأنك مش بتتحس إنه
بيادلك نفس الكم من الطاقة والاندفاع والجنان.

صعب جدًا إنك تفقد السيطرة على مشاعرك، وتحب من
غير لحام.. بس أنا بقول: حاول.. متستعجلش على نفسك..

ومتديش كل اللي عندك.. ومتعمليش المستحيل بدري.. عشان مييقاش المستحيل اللي بتعمله دلوقتي هو الطبيعي اللي لازم تعمله بعد كده.

الحب جنان آه بس لازم يبقى جنان عاقل، درجة بسيطة من العقلانية تمنعك إنك تأذى نفسك أو تأذى اللي معاك.. تبقى مدرك على الأقل انت بتعمل إيه.. وإيه النتائج اللي هترتب على اللي انت بتعمله.

خد من الجنان اللي في الحب حلاوته.. وجرعة السعادة اللي فيه.. بس أوعى تلغى عقلك خالص.. الحب مش قلب بس.. الحب فيه حسابات.. عشان انت من أول ما بتحب.. بتبقى شخص مسئول عن طرف تاني.

ممكن جنانك ده بيروظ له حياته.. أو ممكن هو يكون ميحبكش أصلًا.. فيحبك شفقة أو خوف عليك.. أو حتى يحب حبك ليه.. ميحبكش إنت.

في كل الحالات إنت اللي هتتضرس.. إنت اللي هتعاني.. إنت اللي ممكن تورّط نفسك في قصة حب من طرف واحد.. وهبيجي الشخص اللي انت عملت المستحيل عشانه ويقولك: أنا مطلبتش منك حاجة، وهتبقى انت اللي غلطان وقتها عشان انت اللي رميتك كلها واستعجلت على نفسك، وفي الآخر انت اللي حياتك هتبواز.

يقال: إن راجل شاف دب كبير مربوط وبيعوي.. الرجل اتازم من اللي شافه، صعب عليه الدب ففك قيوده ونام تحت شجرة عشان يرتاح، وفجأة جت ذبابة على وش الرجل وهو نايم!


قام الدب من كتر حبه في الرجل اللي فكه، وكان سبب في حريته، جاب صخرة كبيرة رماها على وش الرجل عشان يموتها.. فقتله!

وهنا جه مثل «الدببة التي قتلت صاحبها».

عشان كده الحب اللي بيبني ممكن يهدّ.. والحب اللي بيقى من غير عقل خالص ده.. بيقى حب مرضي.. حب مؤذى اللي بيعحب واللي بيتحب.. افتكر دايماً إن «من الحب ما قتل».

* * *

السنبلة الثالثة
السنبلة الصادقة



«واللي صدق في الحب قليل»

بيرم التونسي

كل اللي فات ده جميل، حبيت وعشت في سحر البدايات،
واتعميت عن كل عيوب اللي بتحبه، أو على الأقل اتأقلمت
عليها.. بس وبعدين؟

الحب رحلة.. طريق بنمشيه احنا الاثنين.. لازم بعد فترة
نعرف احنا مع بعض ليه.. وعايزين نعمل إيه في مستقبلنا؟!
تخيل؟! تخيل نفسك فجأة بقيت بتقول «إحنا» و«مستقبلنا»

و«حياتنا»، وفجأة كل حاجة في الحياة بقت مضروبة × ٢.

وهنا بنبتدئ ندخل في الجد، والعلاقة بتاخذ أول منعطف من
عالم الخيال والأحلام لعالم الحقيقة والواقع اللي احنا عايشين فيه.
فيه مشهد في فيلم «آسف على الإزعاج» أحمد حلمي كان
يقول فيه: أنا نفسي تحبني أوي يا فريدة.

ردّت عليه منة شلبي وقالت له:

«دايئماً بتقول الحاجة بشكل مختلف».

ساعتها قال:

«مش مهم إن أنا أقوها بشكل مختلف، مهم إنني مابقاش
قادص أقوها بشكل مختلف».

عشان هي تختم المشهد بجمله تلّخص كل حاجة وتقول له:
«الحب مش أمنية يا حسن، الأمنية إن الحب دا يدوم».

* * *

خلينا متفقين إن الحب بيحصل ويبيكبر من غير تخطيط؛ لأن الحب زي المطر ملهاوش معاد سابق، ليه علامات آه بس بتتحب وتتحب في لحظة.. الفكرة عمرها ما كانت في ازاي هنحب بعض.. عشان الحب رزق.. حاجة بتاعة ربنا.. تقسيمه وحسبه إلهية مفيهاش حيلة.. محدش بيأخذ قلب حد بالعافية.. الفكرة إن ازاي فعلًا الحب ده يدوم.. وده هيأخذنا لنقطة مهمة.. هي إننا لازم نبقى ماشيين في الاتجاه.. ومحظيين طريق.. ومرتبين أولوياتنا.. وعارفين إحنا محتاجين إيه بالضبط، ولازم نتعب قد إيه عشان نبقى في بيت واحد.

فيه حكمة بتقول: (البدايات للجميع.. والثبات للصادقين).
الحب على قد ما هو سهل يبدأ على قد ما هو صعب يستمر، خلينا نقول إن كل علاقة في الدنيا عبارة عن استثمار.. اتنين بيحوّشوا في بعض وقتهم ومجهودهم وأحلامهم.. ساندين على بعض، وماشيين في مواجهة أي حاجة.. كل واحد بيفكر في الثاني قبل ما يفكر في نفسه.. الطبيعي إننا هننيجي في وقت ننتقل من مرحلة الوعود لمرحلة التنفيذ.. لازم العلاقة تأخذ شكل رسمي.

وإلا يبقى إيه الفايدة من الكلام والوعود والأحلام
العربيّة دي كلها؟! مانت ماينفعش تطلعني سابع سما.. غير
وانت واثق إنك تقدر ترجعني الأرض بسلام.. مش هقع وتتهجد
كل أسف العشم اللي بنيتها في خيالي! الحب عمره ما كان كلام
وخلاص.. الحب بيبدأ آه بكلمة «بحبك»، بس بيستمر بالفعل
ليبيأك الكلمة دي!

واسمحوا لي أفكّركم تاني بمشهد أحمد زكي في فيلم «اضحك الصورة تطلع حلوة» وهو بيقول: «كلمة بحبك عقد.. النظرة عقد.. اللمسة عقد.. الوعد بالجواز ده أكبر عقد».

وده حقيقي جدًا؛ لأن كل وعد انت بتقوله.. الطرف الثاني
بيرتب حياته عليه.. وبيثق فيك وبيراهن عليك.. وبيبقي على أتم
استعداد إنه يحط البيض كله في سلة واحدة بس لأنه مصدقك..
ومتأكد من جواه إنك مش هتخدله.. ودي مسئولية كبيرة
محتاجة حد يكون بيحب بضمير.. حد يكون عنده القدر الكافي
من النبل عشان يلتزم بكل حرف قاله، وكل عقد شفهي مضاه..
لأن الخسارة وقتها بتبقى خسارة الثقة والأمل والعمر اللي ضاع
وانت مستني الوعود والأمانى إنها تتحقق.. يا ريتني أقدر أخلي
كل واحد قبل ما يقول كلمة «بحبك» يمضي عقد عشان بيقى
عارف إن فيه شرط جزائي اسمه «داين تدان»، هيدفعه وقت ما
يفكر ينط من المركب، ويتخلى عن الشخص اللي استثمر فيه كل

ما يملك من حب ومشاعر.

كلنا كنا وما زلنا وهنفضل في رحلة البحث عن الأمان،
والجزئية دي متعلقة بالراجل أكثر مما هي متعلقة بالست.
خلينا نقول إن آه كل سنت ليها دخلة زي ما بيقولوا.. بس
الـ **Master key** بتاع كل الستات هو الأمان.

الست لو اطممنت هتكون مستعدة إنها تروح آخر العالم
عشان تبقى مع الشخص اللي بتحبه، إنها لو خافت هتبقى
ضعيفة، والست لما بتضعف الراجل بيخسر جيشه الوحيد.
نقطة ضعف الست الوحيدة هي الراجل.. هي مخلوق قوي
جداً طول ما هو وحده، أول ما بيحبوا تلاقي اللي في وسط زمايلها
في الشغل «راجل» بقت سنت الستات كلهم مع اللي بتحبه، وتلاقي
اللي بتؤمر وتنهي وتزرع في الشركة أستاذة في الحنية والطبطة في
البيت.. وده لأنهم فعلًا بيول بتشيل بيوت، سبحان الله اللي
خلقهم بكل هذا القدر من الحنية والقوة في وقت واحد.

الراجل دور البرد بيجيله يقعده في السرير أسبوع، وهي
بتقوم من عملية الولادة، وبعد أسبوع بتحضر غداً!
شيء مش منطقي.

كلنا أمهاتنا كانوا بيعملوا العجب قدامنا، وكانوا مصدر
دعم وقوة لينا على طول الطريق.. تخيل انت بقى الست اللي
بكل هذا الكم الهائل من القدرات الخاصة.. لو اتعصّبت عليها

تعيط.. ولو فرّحتها تعيط.. ولو عملت لها مفاجأة تعيط.. ولو
نسيت تعملها مفاجأة تعيط..

قلوبهم مربوطة في عيونهم، ودموعهم سابقة كلامهم.. كتلة
مشاعر غير منطقية.. وانت المفروض بتعامل معها لازم تتعامل
معها بمتنهى الذكاء، ببساطة شديدة خليك مدرك إنه رغم القوة
والصبر والتحمل والحنية، وكل هذه الصفات الملائكية الجميلة،
 فهي ممكن تنفجر في أي لحظة، وجهز نفسك طول الوقت إنك
تحتوي الانفجار ده، وتسيطر عليه عشان فيه جانب مجنون لكنه
يعمل طعم لكل حاجة.
إزاي بقى تطمّنها؟!

الست بتتطمن لما بتلاقي الراجل قد كلامه، لما بيقول
وبيعمل، بيوعد ويوفي؛ لأن بيكون فيه مساحة ثقة، ثقة في إنك
تقدر تساعدها وتسعدها وتحميها وتأخذ بالك منها وتراعي ربنا
فيها ومتخذلهاش وما تكسفهاش قدام حد، وتأخذ بالك من
شكلها وتحافظ على كرامتها، وتدخل البيت من بابه، وتبقى ليك
قادم العالم كله، ووقتها هتكون فكيت الشفرة.

أول ما هتفك الشفرة دي وتطمن الست اللي انت بتحبها..
فإنت افتحت لك طاقة القدر، ودخلت الجنة اللي على الأرض
وأبشر.. أنت الآن لديك جيش لا يُهزم.. لأن لديك امرأة تحبك.

* * *

**السنبلة الرابعة
الجذور الثابتة**



الذكريات

تحويسة العمر اللي بنعملها ونحطها في حصاله حبنا.

الرصيد الحقيقي من كل شيء حسینا، من كل ضحكة من القلب
ودمعة فرحة، من كل حاجة عملناها سوا، عن كل تذاكر السنين اللي
احتفظنا بها، وكل محطات المترو اللي عدّيناها واحنا شابكين إيدينا في
إيد بعض، عن كل الحاجات اللي لما بتفتكرها بنسرح ونبتسم ابتسامة
بترجعنا بالزمن، لدرجة إنك بتحس إنها بتحصل حالاً.

عن كل الحاجات اللي بتيجي في بالك لما بتسمع أغنية أو بتشم
برفان أو تعدى على مكان كنتوا بتروحوه.. الصور والفيديوهات
والستوريز المليانة بمواقف عمرها ما هتنسى.. كل مرة تعبت
فيها، وكل خروجة حلوة، الوقت سرقوا من بعض فيها، وكان
لازم هي تمشى عشان تأخرت.

قد إيه الحاجات دي بتبقى حلوة وانت بتعيشها، وحلوة
وانت بتفتكرها، وحلوة وانت بتحاول تكررها تاني.
«لدى كل منا الآلة الزمنية الخاصة به، البعض
يعيدنا للوراء وهي الذكريات، والبعض يأخذنا
للمستقبل وهي الأحلام».

جيرمي آيرونز

الذكريات هي الرصيد اللي بنرجع نبص عليه وقت ما
بيحصل خلاف كبير.

واحد صاحبي حكالي مرة عن اتنين كانوا واقفين على الطلاق،
وخلاص المأذون جه، والانفصال هيتم، لحد ما الراجل قال لمراته:
طب انتي مش فاكرالي أي حاجة حلوة؟!، قالت له: لا، قاها:
ولا حتى يوم وفاة أبوكي؟! ومخدش من القاعدين كان فاهم هما
بيتكلموا عن إيه، ولا حد يعرف هو عمل إيه يوم وفاة أبوها، بس
الست راحت معيطة، ولّت هدوتها، ورجعت البيت معاه!
علاقتنا بعض من يوم ما بتبتدي وطول ما هي مستمرة
بتبقى عبارة عن شريط بيعدى في خيالك.

طول الوقت وكأنه فيلم بيتعاد
«زراعة القلب تشفى بعض من عشقوا..
وما لقلبي إذا أحببْت جرّاح»

نزار قباني

أمى كانت بتحكي لي مرة إن بعد وفاة جدتي بكم شهر، كانت
راكبة عربتها، وفجأة سمعت في الراديو أغنية «دار يا دار» للفنان
وديع الصافي.. وقتها افتكرت البيت القديم وملة العيلة وذكريات
طفولتها، وكل المواقف اللي عاشتها مع جدتي وجدي.. وهنا أمى
مقدرش تتهالك نفسها من العياط لدرجة إنها ركنت على جنب..
وفرّقت كل طاقتها في وصلة بكاء هستيرية.

الأزمة إن الذكريات ممكن تطلع لك في أي وقت ومن أي
حالة.. إنت يومك يتلهي لمجرد إنك شفت شخص شبه حد كنت
بتلجه زمان.. ينتهي لمجرد إنك جه قدامك فيلم شفته سوا.. أو
عينيك جت على كتاب جالك هدية، إنت متخيّل الذكريات ممكن
تستحوذ على الإنسان قد إيه؟! وقد إيه إحنا ضعاف قدام ذكرياتنا!
في مرة كنت مسافر الإمارات، ودي كانت أول مرة أسافر
بعد الجواز، أبويا ومراتي جم معايا عشان يوصلوني للمطار،
قعدنا ندردش في الطريق، والكلام حاب بعضاً، خصوصاً إن
أبويا كان بيأسافر كتير، ولفّ العالم كله سياحة وشغل، فسألته:
هي ماما كانت بتعمل إيه لما كنت بتسافر؟

قال لي: كنت طول مانا مسافر كنت بحس إنها مطفية،
وكلامها على القدّ في كل جواباتها، بتقولي: خليك، ومتنزلش،
وشوف شغلك، بس قلبها مفطور من العياط والسوق، الراجل
مننا بيحس حتى لو بينه وبين اللي بيحبها بلاد يا ابني!
حتى أنا وانا مسافر، أول ما ركبت الأسانسير لقيت مراتي
بتقول لي بنبرة فيها وجع وتظاهر بالقوة في نفس الوقت: «اووعي
تنساني»، رغم إنها عارفة إني راجع بعد أسبوع، قالت لي: «صوّرلي
كل حاجة بتعملها، عايزة أحس إني معاك، متسبنيش لوحدي».
ضحكـت وأنا مش مستوعب إزاي الستات بالقوة
وبالهشاشة دي في نفس الوقت!

بالنسبة لأي حد قلبه مكسور، الذكريات عبارة عن وجمع
خام.. نسبة الألم ١٠٠٪.

خصوصاً إن الذكريات هي السكينة الباردة اللي بيدبحك بيها
الحنين بعد كده؛ لأن اتجاه الزمن رايح بس، مفيش حاجة بترجع،
لذلك لما تعيش لحظة حلوة أشبع منها، عُشّها بضمير، واعرف إن
إحساسك باللحظة أهم بكثير من الصورة اللي انت مهتم تاخدها.
اللحظة اللي انت بتعيشها وانت سايب موبايلك، ومستمتع
بيها بتتوثق في خيالك للأبد، الكاميرا يجوز هتصور اللقطة.. بس
عمرها ما هتحتفظ بالمشاعر.. المشاعر هفضل جواك انت.. عشان
للقلب ذاكرة خاصة بيها، وده للأسف مش مجاز.. دي حقيقة!

فيه دراسات كتير أثبتت الكلام ده..

أثبتت إن القلب ليه ذاكرة خلوية يقدر عن طريقها يحفظ
بمشاعره ناحية الحاجات اللي بيحبها.. مش بس كده؛ دي
الذكريات ممكن تتنقل من شخص للثاني عن طريق عمليات
زراعة القلب، ومن أشهر الحكايات اللي حصلت بعيداً عن
الأفلام وهو س صناع السنين بالنوعية دي من القصص، حكاية
واحدة اسمها «كلاير سيلفيَا»، والكلام ده حصل في أواخر
ثمانينيات القرن الماضي.

كلاير كان عندها في الوقت ده ٤٧ سنة، وكانت بتشتغل
مدرسة، وكان من المفترض إنها في انتظار عملية زراعة قلب ورئة

بشكل كامل.. تشاء الأقدار إن يتوفى شاب اسمه «تيم لاميراند» في حادثة، ويترعرعوا بأعصابه لمستشفى اسمها نيو هيفن.

كون العملية الأولى من نوعها في نيو إنجلاند خل الصحفة والإعلام مهتمين جدًا بالموضوع.. خصوصاً إن وضع سيلقيا اتدهور، وكانت على وشك الموت، بس بعد ما الحالة استقرت، وأثناء خروجها من المستشفى سألاها واحد من الصحفيين اللي كانوا موجودين في استقبالها عن شعورها بعد ما عملت العملية.. وكانت الإجابة إنها هتموت وتشرب بيرة.. طبعاً الإجابة كانت صادمة لكل الموجودين.. حتى سيلقيا نفسها اتصدمت من الإجابة.. خصوصاً إنها عمرها ما شربت بيرة، ولا تعرف طعمها أصلاً، وقالت كمان إنها متعرفش سبب رغبتها دي هي حست إنها عايزة تشرب وخلاص.

ده غير طبعاً إنها بعد كده بدأت تحب أكلات هي مكانتش بتحبها زي الـ«ناجتس»، وكانت بتراودها أحلام عن الولد اللي اتبرع لها بقلبه!

الغريب إنها لما راحت لعيادة تيم، واتكلمت معاهم، قالوا لها إنه يوم الحادثة كان معاه وجدة «ناجتس»، كل دي أسباب كانت كفيلة إنها تحكي قصتها في كتاب:

«Change of a heart» سنة ١٩٩٧

بلية حمي كتب ولحن أغنية «بنلف» في رثاء صديق عمره

ورفيق كفاحه ونجاحه عبد الحليم حافظ بلیغ حمدي كتب في
مطلع الأغنية:

بنلف نلف نلف نلف
والسينين بتلف تلف تلف
وألم بيزيـد وجراح بتخفـ
بنودع ربـيع ونستقبل ربـيع
يأمرنا القدر
تنطفي الشمـوع
ويغـيب القـمر ..
ونصبح ذكريـات .. مجرد ذكريـات.

في الآخر إـحنا عـبارة عن مشـاعر متـجسدة في لـحم ودم،
أـحداث وذكريـات وتفاصيل مـبهـجة ومحـزـنة.
أـرشـيف من اللـحظـات .. اللي فيها اللـقا والـودـاع والـمحـبة
والـعتـاب .. العـيش والـملـح والـضـحك اللي من القـلب .. السـفـريـات
والـبيـات وحيـاتـنا سـوا والـبيـوت اللي كان لـينا فيها ولـيها فـينا ..
لـتـنا عـشـان نـذاـكر، ولـتـنا عـلـى القـهـوة .. خـنـاقـاتـنا اللي اـنتـهـت بـ«أـنا
آـسـف» .. وـالـعـشـرة اللي مـبـتهـونـش .. وـأـيـامـنا الـحلـوة .. اللي هـنـفـضـلـ
فاـكـرـينـها طـول ما إـحـنا عـاـيـشـينـ.
نـقطـة وـمـن أـوـلـ الـعـمـرـ.

* * *

السنبلة الخامسة العتاب



«حلو العتاب»

العتاب محبة.. عشان إنت عمرك ما هتعاتب حد مش فارق معاك.. عمرك ما هتراجع تصرفات حد مش مهم بالنسبة لك.. أبسط ما فيها هتمسحه من حياتك وهتعزل ما يؤذيك من غير ما تبص وراك تاني، وقتها هتعرف تاخد موقف بالغياب والاجتناب مش بالعتاب.

العتاب اتعمل للناس اللي تعز علينا، الناس اللي قاطعة في قلوبنا تذاكر مجانية مدى الحياة.. غالباً كلمة عتاب بييجي وراها كلمة «محبة»، وانت لما بتعاتب حد بتعاتبه عشان نفسك الأول.. عشان تبقى صافي من ناحيته، وتعرف تتعامل معاه.. بتعاتبه؛ لأنك مكتتش متوقع منه هو بالذات إنه يعمل تصرف يضايقك.. أو بتبقى مستني منه يعاملك بطريقة معينة إنت مش لاقيه.. العتاب هو إنك تطلب كل اللي انت تحتاجه أو تعرض على كل اللي بيضايقك.. عشان انت بتحب الشخص ده، وشأيف إنه مينفعش يعمل معاك كده!

سواء بقى كان صاحب.. أو حبيب.. أو حد من أهلك.. أي حد ليه في قلبك مكان باسمه.. يندرج تحت قائمة الناس اللي بتعاتب.

وأهمية العتاب إنه دايئماً بيسيب باب العلاقة متوارب.

في مرة كنت بدردش مع واحد صاحبي، وبحكي له عن موقف حصل لي مع حد، واتضايقـت منه بس من غير ما ألفت نظره، وفضلـت أسطـح علاقتي بيـه لحد ما انتهـت.. يومها هو قال لي حاجة مهمة جـداً، قال لي:

«أنا مبحبس الناس اللي بتزعل مع نفسها دي».

قولـت له: تقصد إيه؟ فقالـ لي:

«المواقـف اللي بتضايقـنا وبنعديـها دي بتبقى مع الناس اللي بنقابلـهم مرة واحدة في حياتـنا.. الناس اللي على الـهامـش.. الناس اللي بتدخلـ حياتـنا واحـنا عارـفين إنـهم مجرد «فترـة».. إنـما لو بتحـ حد ومتضايقـ منه.. عـاتـبه».

بلغـ حـميـ كانت بتـجمـعـه بعدـ الحـلـيمـ صـدـاقـة قـويـة جـداً، بعيدـاً عنـ شـغـلـهـمـ سـواـ، وكـمـ الأـلـحانـ العـبـقـرـيـةـ الليـ اـشـتـغـلـوـهـاـ معـ بـعـضـ، وـالـنـجـاحـاتـ الـكـبـيرـةـ الليـ حـقـقـوـهـاـ، وـالتـارـيخـ بـيـأـكـدـ إنـ بلـغـ حـميـ واحدـ منـ النـاسـ الليـ سـاـهـمـواـ بشـكـلـ كـبـيرـ جـداـ فيـ صـنـاعـةـ نـجـاحـ عـبدـ الحـلـيمـ حـافـظـ، كـتـبـ لـعـبدـ الحـلـيمـ مـرـةـ فـيـ إـحدـىـ رسـائـلـ العـتـابـ:

عزيـزيـ عـبدـ الحـلـيمـ /
تحـيةـ طـيـبةـ ..

أوـدـ فـقـطـ لـفـتـ اـنتـباـهـكـ إـلـىـ أنـ تعـليـقـكـ السـاخـرـ الـيـوـمـ وـنـحـنـ فـيـ

السهرة قد جر حني جر حاً أليّاً، برجاء عدم التعامل مع مشاعري
بهذا الاستخفاف والاستهانة بحب عظيم لا أظن أنه يمكنك أن
تفهمه، برجاء عدم الاتصال بي بغرض الاعتذار الأيام التالية؛
حتى أصفو لك تماماً، وأستطيع الكلام معك ثانيةً.

خالص مودتي

بليل حمدي

تخيل إنت ممكن تعليق ساخر قلته بهزار يجرح حد هذه
الدرجة، ومكان جدّاً لولا الغلاوة يسبب شرخ في العلاقة لا
يمكن يتلّمّ أبداً، علاقات كتير كبيرة بتنتهي بسبب تفاصيل
صغريرة زي دي، ممكن يكون سبب وجع الكلمة نفسها إنها جت
من القريب؛ لأن الغريب كده كده هتعرف تاخذ حقك منه، إنها
لما الأذى بيجي من حد إنت بتحبه.. وقتها مبتبقاش عارف
تدافع عن نفسك وكرامتك.. لأنك لما هترد الأذى اللي بتحبه
هتبقى بتتأذى نفسك برضه، العتاب اتعمل عشان يعمل ريفريش
لعلقتنا ببعض، العتاب بيبقى إعادة تذكير بالرصيد اللي بينا وبين
بعض من مواقف وذكريات وتفاصيل تشاركتنا فيها مع بعض.
الشاعر أيمن بهجت قمر كتب أغنية من أجمل الأغاني اللي
اتعملت عن العتاب، وكان بيقول فيها:

«البيت وناسه والخمسة ستة اللي احنا منهم.. دول اللي لو
نحتاج لهم يدّونا عينهم..»

إحنا اللي غمّسنا ف طبق واحد زمان.. ستر وغطا على بعض
حسين بالأمان

يا ابني العتاب واللوم ده من باب المحبة».

وفيـه كـوبـلـيـه مـن أـعـظـم مـا غـنـت أـمـكـلـثـومـ بـيـقـولـ:

«أكتر من مرة عاتبتك وإديتليك وقت تفكـر..»

کان قلبی کبیر پیسامحک إنها کان جرحاک أکبر».

وده بقى «فخ» ممكن ينهي علاقتك بالشخص مهما كنت بتحبه.. لأنك هتتجي في وقت تحس إنك بتعاتبه دايياً على نفس الغلطة.. بتلتفت نظره وبتشاور على الحلة اللي بتوجعك.. وهو برضو مصمم يدوس عليها.. دون الالتفات لحجم الوجع اللي انت فيه.. للأسف هو مبيبقاش قادر يفهم.. إن انت عمال تختاره.. وتسحب من رصيد كرامتك.. وتيجي على نفسك.. وإن انت زي أي شمعة منورة دلو قتي هتتجي في يوم وتخلص.. ووقتها غصب عنك وعنده تاخدوا جنب من بعض.. والعلقة هتفضيل تستطع لحد ما تنتهي.. ما هو انت لازم برضو تحس إن اللي انت بتعاتبه ده شخص باقي عليك.. شخص بيختارك زي مانت بتحثاره.. شخص حاطلك في أولوياته.. وعامل حسابك في قلبه، مفيش حد فينا مجاش عليه وقت وأنهى علاقته بحد كان بيحبه وكلامهم انحول من ودي لرسمي.. ومن يومي لفترات.. لحد ما كل جبال الود اتقطعت.. أصلك هتعمل إيه يعني؟!

هتشترى خاطر اللي قدامك مرة واتنين وتلاتة، في الرابعة لازم
تختار كرامتك، وإلا يبقى انت اللي تستاهل كل اللي هيحصل لك
بعد كده!

أما الأزمة إن محدش بيقى شايف نفسه غلطان في الطرفين..
اللي بيعاتب شايف إن فيه حاجة مضايقاها لازم يتكلم فيها،
واللي بيتعاتب شايف إن اللي بيحبه لازم يتحمله ويديله مساحته،
وميبيقاش بيقف على كل حاجة، وطبعاً إنتم عارفين لما كل واحد
بيقى شايف إنه صح إيه اللي بيحصل.

أنا طول عمري بتعاطف مع الناس اللي بتعاتب، بس فعلاً
العتاب ليه حدود، وآفة العتاب الوحيدة إنه مينفعش بيقى على
كل حاجة، مينفعش يبقى فيه طرف قاعد يتصيد أخطاء الطرف
الثاني عشان يعاتبه عليها.

كرر العتاب بيعمل حالة زهر، وبيخلி العلاقة تمثي في اتجاه
سلبي هياخدتها لمنحنى خطر جداً، وهو إنك تتجنب الاحتكاك
بالشخص ده؛ لأنه كل ما بيشوفك بيعاتبك.

زي الأسئلة المزيفة اللي من نوعية:

(إنت مبتسائلش ليه؟! هو لازم أنا اللي أكلمك كل مرة؟
إنت كنت أونلاين ومردتش عليا.. إنت معقول يعني مبصتش في
موبايلك كل ده؟ إنت سايبني من الصبح.. إنت خرجت، معاهم
من غير ما تقول لي.. إنت نزلت من غير ما تسيب لي رسالة...)

إنت... إنت...)

طبيعي الطرف اللي انت عمال تعاتب فيه على كل كبيرة وصغيرة ده يتعب.. لازم وانت بتعاتب تبقى مقدر ظروف الناس، ومراعي إن كل واحد ليه مساحة خاصة بيها هو بس.. وإن الحب والصحوبية مش خنقة.. وإننا مش لازم نبقى مع بعض ٢٤ ساعة، وإن بييجي علينا أوقات طاقاتنا بتخلص وينبقي عايزين ناخذ جنب من كل حاجة.

دورك كإنسان محب وذكي إنك تراعي ده، مش تستمر في مسلسل العتاب.. طبعاً أنا بتكلم عن الظروف الحقيقة.. مش الإهمال المتعلم.. ولا الناس اللي بتتجاهل الرسائل والمكالمات عن قصد.. بس احنا كلنا بييجيلنا وقت بنفقد فيه القدرة على التواجد، وعلى فتح المواضيع..

بنفقد ملكة السؤال عن اللي بنحبهم لأسباب قهرية حقيقة.. فيه ناس للأسف الشديد جداً.. بيفشلوا في إنهم يكونوا أشخاص اجتماعيين.. وملهو مش في الشات والرغبي في التليفون بالساعات.. ناس أصلاً بيزقّوا أيامهم بالعافية.. مش عايزين يحسوا إنهم عباء على حد ولا عايزين دوشة.. اللي يحبهم يحبهم زي ما هم.. هما مش هيجر حوك بالكلام ولا هيسيبولك أذى نفسي من أي نوع.. دول أصلًا عايشين بس عندهم خلل في التواصل.. قلوبهم بتسرب شحن.. متنستاش منهم إنهم يبدأوا

بالسؤال.. أو يفتحوا مواضيع.. أو يستحملوا مكالمة طويلة.. وأحسن حل عشان متعيش روحك.. لو بتحبهم حبهم زي ما هما.. عشان متفضلش طول عمرك بين العتاب والمبررات.

ومن سنة النبي عليه الصلاة والسلام إنه كان لين ورؤوف بالناس في العتاب، فمكانتش بيعاتب حد غير في دينه.. كمان كان عارف إن العتاب ممكن يؤدي للغضب، ومن هنا ممكن تبدأ نهاية كل حاجة، فقد جاء من حديث أبي هريرة رضي الله عنه أن النبي صلوات الله عليه وسلامه قال: «ليس الشديد بالصرعة، إنما الشديد الذي يملك نفسه عند الغضب»^(١). يعني كمان من المفروض لما تلاقي حد متضايق، والكلام بينكم هيدخل في منعطفات تزعلكم من بعض، تاخد جنب انت لحد ما الطرف الثاني يهدأ عشان ممكن كلمة واحدة تهدّ اللي بقالكم سنين بتبنوا فيه إنتوا الاثنين.

خلاصة القول إنك لو هتعاتب حد لازم تبقى فاهم:
أولاً: ماينفعش تعاتب غير الناس اللي تلزمك وباقى عليهم، وماينفعش متعاتب الناس اللي بتحبهم مادام فيه ضرورة لده؛ لأنك في الآخر ممكن تنفجر من تراكمات إنت السبب فيها مش الطرف الآخر.

ثانياً: بلاش كل ما تشوف حد تعاته.

ثالثاً: لازم تبقى مراعي ظروف الناس، وحاطط نفسك

(١) ذكره الإمام النووي في باب الصبر.

مكان كل واحد إنت بتعاتبه على حاجة.. وتعرف كويس إن
قدرته على التحمل غير قدرتك.. يعني اللي انت شايفه ظرف
عادي.. ممكن يبقى بالنسباله هو ظرف قهري.

رابعاً: اختيار الوقت المناسب لفتح مواضيع العتاب؛ لأنها
تعتبر أسرار.. يعني مينفعش تعاتب حد بتحبه على الملا.

خامساً وأخيراً: خليك خفيف وسهل في التعامل وقت ما
يعتذر.. عشان هو لو مش بيحبك عمره ما هياعتذر منها كان
غلطان.

* * *

السنبلة السادسة
السنبلة الطيبة



«بالكلام الحلو ترجع لي ابتسامي»

Tell a girl she is beautiful and she will believe it for a moment

Tell a girl she is Ugly and she will Believe it for a lifetime

جدى كانت سرت بسيطة أوي، ريفية ومدخلتش مدارس،
بس ساعات بتتعلم في مدرسة الحياة اللي عمرك ما بتتعلمها في أي
مدرسة تانية، في مدرسة التجارب والتعاملات والناس والشغل
والطحن تحت رحاب الأيام.

اللي ما أخدش القرار ونزل بحر الدنيا هيفضل منها اتعلم
ساجد.

جدى اللي كانت بتصحي على إذاعة القرآن الكريم،
ومتعرفش غير المسلسل العربي اللي كان بييجي الساعة ٧ إلا
ربع.. اللي كانت لما الساعة تبقى ٩ تنزل تنام وتقولي: «النوم
أصلح من كل حاجة إلا الصلاة».

الحياة ما قبل التليفونات والرسائل، لما عمي سافر السعودية
قعدنا كلنا نسمع أخباره في «شريط» مبعوت مع حد راجع من
هناك.

كان ده الـ voice note الوحيد أيامها، وعمرى ما هنسى لما أغنية «يا ترى» بتاعة بهاء سلطان اللي نزلت، وكانت مكسرة الدنيا، وأول ما جدتي سمعتها افتكرت عمى وقعدت تعيط، الحياة.. كانت أبسط وأطعم وأدفى.

لمة عّماي على طبلية الخبز قدام الفرن البلدى، واحتراع «الأبورا» تقدروا تقولوا عليه «وافلز الغلابة»، عجينة بتبقى أتخن من العيش العادى بتتحط فى الفرن، وتبقى بحجم كف الإيد أو أكبر شوية، وتطلع وتفتح ويتحط فيها سمن وسكر.. بعض البلاد كانت بتقول عليها «حنينة» مش عارف ليه بس يمكن عشان بتتعمل بحب.. أجواء عملية الخبز كان كلها ضحك، وتفتیش في صناديق الذكريات والأيام الحلوة.

أنا عمرى ما هتخلى عن هوiti الأصلية، وكونى شخص اتربيت وعشت سنيني الأولى في الأرياف، لحد ما الدنيا خدتني زي ما بيقولوا من مدرستي للجامعة، ومن الترعة للأسفلت، لما بروح هناك من وقت للثاني بفتكر نزار قباني في القصيدة الدمشقية وهو بيقول:

هنا جذوري هنا قلبي هنا لغتي

وكيف أوضح هل في العشق إيضاح؟

هناك كل حاجة بتتعمل بشكل تانى، جناب الموالح ومزارع العنبا.. شكل غيطان القمح وهي بتتدرج من الأخضر للأصفر

للذهبـي.. ريحـة الـهـوا اللي هـنـاك وبـساطـة النـاس وـكلـمة «اـتفـضـل» من الغـرـيب قـبـل القـرـيب، المـيـه اللي من «الـقلـة الفـخـار» مشـ الفلـترـ. الـبيـت الـ٥ أـدـوار أبو جـنـينـة وـمعـاه حـوش وـاسـعـ، مشـ الشـقـقـ الـ١٢٠ مـترـ.. مـدرـسـة عـبـد الغـفار فـرـحـات مشـ المـدارـسـ الـinternationalـ، كـلـ حاجـة كانـ ليـها طـعمـ تـانـيـ.. أناـ مشـ بـقارـنـ طـبعـاـ، بـسـ فـرقـ الإـحسـاسـ بـالـأـشـيـاءـ وـقيـمـتهاـ كانـ أـكـبـرـ بـكـتـيرـ، الحـقـيقـةـ بـقـىـ وـالـشـيـءـ المـمـيزـ فيـ الـحـكاـيـةـ إـنـ جـدـتيـ كـانـتـ بـتـمـتـلـكـ موـهـبـةـ عـمـريـ ماـ صـادـفـتـ زـيـهاـ فـيـ حـيـاتـيـ.

كانـ عـنـدهـاـ قـدـرةـ عـجـيـبةـ إـنـهاـ تـخـلـيـ الـكـلامـ العـادـيـ حـلوـ.. بـتـعـمـلـ مـنـ تـرـابـ الـقـوـلـ دـهـ.. مـكـانتـشـ بـتـنـادـيـنيـ غـيرـ بـ«عـقـلـ»ـ، وـكـلـ كـلـامـهاـ كـانـ بـنـفـسـ غـرـابـةـ وـعـمـقـ وـحـلاـوةـ التـعبـيرـ دـهـ. كـنـتـ لـماـ أـجـيـبـ لـبـسـ العـيدـ وـأـخـبـطـ عـلـىـ أـوـضـتـهاـ لـيـلـةـ العـيدـ عـشـانـ تـشـوـفـهـ كـانـتـ تـقـولـيـ: «يـعـجـبـ الـبـاشـاـ»ـ.

لـماـ كـانـتـ تـعـجـبـ بـأـخـلـاقـ حـدـ تـقـولـ عـلـيـهـ دـهـ «أـمـيرـ»ـ.

لـماـ يـجـيلـنـاـ حـدـ تـقـولـ: «حـصـلـتـ الـبـرـكـةـ.. دـهـ اـحـناـ زـارـنـاـ النـبـيـ»ـ. لـكـنـ هـيـفـضـلـ أـجـمـلـ تـعـبـيرـ سـمـعـتـهـ مـنـهـاـ كـانـ لـماـ اـتـضـرـبـتـ فـيـ الـكـتـابـ، وـقـلتـ لـهـاـ مـشـ عـايـزـ أـرـوحـ تـانـيـ، قـالـتـ لـيـ: «يـاـ عـبـيطـ دـيـ عـصـاـيـةـ الـفـقـيـ منـ الجـنةـ»ـ.

وـمـعـ ذـلـكـ رـاحـتـ قـالـتـ لـلـشـيـخـ مـيـضـرـبـنـيـشـ تـانـيـ.. بـسـ كـانـ عـنـدـهـاـ الـقـدـرـةـ إـنـهاـ تـخـلـيـ أـيـ حاجـةـ فـيـ عـيـنـيـ، وـتـحـسـسـنـيـ بـثـقـتـيـ فـيـ

نفسي، وتخليني أحب شكلي وأتصالح مع كل الحاجات اللي مكتتش ببقى راضي عنها.. لدرجة إني لما عدت سنة في الكلية.. أختي قالت لها: «تيتا محمد سقط»..

قالت لها: «آخرسي أو عي تقولي كده على أخوكي»، ومن كتر ما هي بتعبني ومؤمنة بيا كانت فاكرها بتهزز.. ولما عرفت الخبر من بابا قالت لي: اللي فات مات يا حبيبي.. المهم اللي جاي.. الوحيدة اللي محسنتنيش بالفشل، ولا اتحاملت عليا، ولا زودت همي هم.. جدي كانت أهم داعم معنوي ليها في حياتي لحد يوم وفاتها.. أنا ابن الكلمة.

كل كلمة بتتقالي بتفرق معايا.

كل كلمة حلوة بتديني أمل، وبتحسني بنفسي، وبتنور لي طريقي، إنها أي كلمه فيها طاقة سلبية، بحس أنها بتطفي فيها حاجة وتنقص مني حته.

أول ما ابتديت أشتغل زمان.. اشتريت ساعة، حد قالى وريني الساعة دي كده.. وريتهاله ضحك عليا وقالي: دي من اللي بتطلع في البخت ولا إيه؟!

بعد ما كانت الساعة عاجباني ومقتنع بيها رميتها في الدرج، وملبستهاش تاني، وقتها كنت لسه مش فاهم إن طلما الحاجة حلوة في عنيا مش مهم تعجب حد.. زمان واحد صاحبي كان بيحب واحدة أوي وهيتقدم لها خلاص.

وحد من صحابنا شاف صورتهم سوا قاله: مامتك دي؟!
هو مكانش يعرف طبعاً، ومكنش يقصد يجرب مشاعره، وكلنا
خدنا الموضوع بهزار وقتها وضحكنا، بس هو اعترف لي بعد كده
بكمام سنة إنه سا بها بسبب الموقف ده، وإنه ندمان دلوقتي جدّاً،
وبيتمنى يرجع لها، بس للأسف معادش ينفع.. الدنيا مليانة
مواقف زي دي.

وناس غيّرت في شكلها عشان كلمة، وناس خست ١٢٠
كيلو عشان كلمة، وناس يكاد يكون سر طموحهم وإنهم مكفيين
على أحلامهم والجري وراها عشان كلمة، معظم الصدمات بتبقى
عبارة عن كلمة سمعتها من حد مكتتش تتوقع أبداً إنه يقولها.

والأهم من الكلمة توقيتها، يعني مينفعش تروح تعذر
بعد ما يكون خلاص اعتذارك مش فارق، هيبي زيكي زي اللي
عاش طول عمره في خلافات مع واحد، وبعد ما مات قال ده أنا
بحبه والله.

الكلام اللي بيتنقال بعد ما أوانه يفوت ده بيوجع أكثر عشان
بتبقى خلاص صلاحيته انتهت.. مابتاخدش منه غير إنه بيفتح
في صفحات قديمة انت ما صدقـت تقفلها!

الكلام الحلو أكثر حاجة بتعمله معنى إنه عباره عن لغة
خاصة جدًا بين طرف العلاقه، يعني مثلاً سارة بنت توني ستارك
صاحب شخصية «أيرون مان» كانت بتقوله أثناء ما هو بيحطها

في السرير علشان تنام خلال أحداث آخر فيلم من سلسلة أفلام
:(The Avengers)

I love you 3000

الجملة كانت مليانة بالبراءة والتعبير المستخدم نفسه عشان طالع من طفلة ادى الجملة بُعد إنساني عميق جدًا، لدرجة إن الجملة دي لفت العالم، وخلت المهتمين بمتابعة عالم مارفل يدوروا على السر اللي ورا الجملة دي لحد ما عملوا إحصائية عن مجموع عدد دقائق السلسلة كلها، فكان عددها ٢٨٦٨ ، وبعد إضافة أحدث أفلام عالم مارفل اللي هو (Spiderman far from home) كان المجموع النهائي ٣٠٠٠ دقيقة.. معظمهم قال إن استخدام الرقم ده كان مقصود، خصوصًا إن مخرجي النوعية دي من الأفلام بيهموا دايئًا بأدق التفاصيل.

ومن اللفatas الإنسانية العظيمة جدًا في اليابان والصين ودول شرق آسيا زي تايوان وكوريا وسنغافورة إنك مستحيل تلاقي رقم ٤ مكتوب على باب أي أوضة في أي أوتيل أو مستشفى، وده لأن نطق رقم ٤ مشابه لدرجة التطابق لنطق الكلمة shi واللي معناها (موت)، وبيعتبروا إن ده نذير شؤم، وبيتجنبو استخدام الكلمة دي تماماً.

والست بالذات بيفرق معها موضوع الكلام الحلو ده؛ لأن هما عندهم عين تالتة بتشفوف التفاصيل الصغيرة، وبتركز في الكلام

اللي مسمعتهوش أكتر ما بتركز في الكلام اللي سمعته، علاقات كتير انتهت بسبب كلام كان المفروض يتقال بس متقالش.

كلمة حلوة كانت ممكن تنهي خلاف كبير لازم الرجال مننا يبقى بيعرف يقول: «آسف» ويعرف يقول: «شكراً»، ويعرف يعبر عن حبه بالكلام زي الفعل، الحب أفعال آه، بس الكلام الحلو في العلاقة زي الملح في الأكل، عشان فيه ناس بتستنى الكلام زي ما بتستنى الفعل.. فيه ناس بتستنى morning text والمسدح اللي في نص اليوم.. ناس بتتعجب أوي عشان اللي بيحبوهم ومش مستنيين فعلاً غير كلمة شكر، أنا مقدر جدًا إن فيه رجاله مبتعرفش تعبر.

في رجالة من نوعية خالد صالح في فيلم «عن دستة أشرار»، وهو رايح يصالح حبيبته وشایل بوكيه الورد ويبيقول: «أنا حاسس إني نيلة أوي بالبتابع اللي أنا شايله ده».

فيه رجالة كلامهم قليل، والكلمة بتطلع منهم بالعافية، ودول طبعًا اللي الكلمة منهم عشرة؛ لأنها بتبقى غير متوقعة ومش مستهلكة، والطرف الثاني بيبقى هيموت ويسمعها.. فيه كام واحد وواحدة في الدنيا اختلفوا واتخانقوا واتقابلوا، فرجعوا لبعض تاني عشان كلمة «وحشتيني».

الكلام الحلو وظيفة الرجال أكتر من الست؛ عشان الست فعلاً ممكن تبقى عايشة على الكلمة الحلوة دي، خلينا نفكّر تاني

عبدة كامل، وهي بتلخيص كل احتياجات الست في جملة واحدة من فيلم «هيسيريا»: «أنا ممكن لا آكل ولا أشرب ولا أنام، بس الرجل اللي أحبه ويحبني يقولي: سلامـة رجلـك من الوقـفة يا وداد». ووردة في أغنية «اشتروني»، وكأنـها بتقول اشـتروـوا خـاطـري.. اعرفـوا قـيمـتي.. حـسـوا قدـ إـيه أنا بـحـبـكم بـسـ زـعـلـانـة.. كانتـ في أولـ الأـغـنـيـهـ بتـقـولـ:

«وـاسـلـونـيـ وـديـتـيـ فـيـنـ الـابـتسـامـةـ»

ورجـعتـ فيـ آخرـهاـ وـقـالتـ:

«بـالـكـلامـ الـخـلـوـ تـرـجـعـ لـيـ اـبـتسـامـتـيـ»..

مفيـشـ فيـ الدـنـيـاـ حاجـةـ مـمـكـنـ تـرـسـمـ الـابـتسـامـةـ عـلـىـ وـشـ حدـ قدـ الكلـمـةـ الـخـلـوـةـ.

﴿أَلَمْ تَرَ كَيْفَ ضَرَبَ اللَّهُ مَثَلًا كَلِمَةً طَيِّبَةً كَشَجَرَةً طَيِّبَةً أَصْلُهَا ثَابِتٌ وَفَرْعُهَا فِي السَّكَمَاءِ ﴿٢٤﴾ تُؤْتَقِ أَكْلَهَا كُلُّ حِينٍ بِإِذْنِ رَبِّهَا وَيَضْرِبُ اللَّهُ الْأَمْثَالَ لِلنَّاسِ لَعَلَّهُمْ يَتَذَكَّرُونَ ﴿٢٥﴾ وَمَثَلٌ كَلِمَةٌ خَيْشَةٌ كَشَجَرَةٌ خَيْشَةٌ أَجْتَثَتْ مِنْ فَوْقِ الْأَرْضِ مَا لَهَا مِنْ قَرَارٍ ﴿٢٦﴾ يُثَبِّتُ اللَّهُ الَّذِينَ أَمْنَوْا بِالْقَوْلِ الْثَّابِتِ فِي الْحَيَاةِ الْدُّنْيَا وَفِي الْآخِرَةِ وَيُضْلِلُ اللَّهُ الظَّالِمِينَ وَيَفْعَلُ اللَّهُ مَا يَشَاءُ ﴿٢٧﴾﴾. [سورة إبراهيم: الآية ٢٤-٢٧].

قدـ إـيهـ مـمـكـنـ كـلـمـةـ وـاحـدـةـ بـتـقـالـ تـغـيـرـ مـسـارـ حـيـاةـ حدـ، أوـ تـسـيـبـ أـثـرـ جـوـاهـ مـيـرـ وـحـشـ مـهـماـ عـدـتـ عـلـيـهـ الأـيـامـ.

كلنا عندنا الناس اللي بتجرح فينا بكلامهم، وبتقلل من كل اللي بنعمله، ومهمها عملنا برضو مش هنعجب، ومش هيشفوا فينا غير الوحش، عشان دول ناس عايشين يحاربونا نفسياً وخلالص. دول أخطر من المنافقين والكداين.

محبطين، ومكان يقفلوا اليوم والحياة كلها، لو صادفت الأيام، وقابلت حد منهم اطرده فوراً من حياتك ونهائيّاً.. إوعي تسيبه في تفكيرك أو في أيامك دقيقة واحدة.. ولو مضطر تعامل معاه فاعتبره بيخرّف.. اتعامل معاه على إنه مش موجود.. هو بيتعذى على انعدام ثقتك في نفسك وتصديقك لكلامه.. إنما طول مانت مش مصدقة وبتاخد كلامه للزبالة مباشرة، فهو عمره ما هيتصر عليك أبداً.

زمان كانوا بيكتبونا في كراسات الخط العربي حكم وأمثال عربية، كنت وما زلت وھفضل فاکر مثل منهم بيقول: «الكلمة التي لم تنطق بها أنت تملكها.. فإذا نطقتها فهي تملكك».

يكفي أن النبي عليه الصلاة والسلام قال: «الكلمة الطيبة صدقة»^(١).

* * *

(١) أخرجه مسلم وابن خزيمة في صحيحه عن أبي هريرة.

السنبلة السابعة
البقاء للأجمل



«أوعي تمشي»

الشاعر مصطفى إبراهيم كان بيقول:

فيه حاجات لازم علشان نعرف درجة قوتها بنكسرها
و حاجات لازم علشان نعرف إننا عايزينها بنخسرها
أنا أول كلمة قولتها لمراتي في حياتي كانت «أوعي تمشي»..
مكنش فيها حيل لخساير جديدة، ولا كنت عايز أحط نفسي في
اختبارات.. كنت عايز أطمئن، أحب وأتحب وأرتاح زي بقية
الناس.. كنت طالع من كل اللي فات بأعجوبة، ومش عايز أبص
ورايا تاني مهمها حصل.

سرّ تعليقي الشديد بيها وشعورني بالامتنان ليها كزوجة
وكصديقة ورفيقه حياة وكفاح.. إنها فعلاً عملت اللي مفيش حد
قدر يعمله على مدار حياتي.. فكرتني بنزار قباني وهو بيقول:
«أشهد ألا امرأة أتقنت اللعبة إلا أنتِ
واحتملت حماقتني عشرة أعوام كما احتملت».

بقيت طول الوقت عايز أقولها: إنتي طلعتي لي منين؟!
و كنتي مستخبية فين كل الوقت ده؟ وكنت وما زلت وأنا بتكلم
عنها مبيجيش في بالي غير أم كلثوم وهي بتقول:
«اللي شوفته قبل ما تشوغل عنينا.. عمر ضايع يحسبوه إزاي

عليا».

حياتي ابتدت من هنا

كل اللي شافني بعدها مكاش بيقولي غير: «حمد الله ع
السلامة» كأني كنت في غيبة وفُقت منها.. وزني استقر أخيراً،
بل بالعكس بدأت أزيد تاني بعد ما كنت وصلت ٥١ كيلو..
أقبلت على الحياة، وخرجت من أوضتي.. أوضتي اللي في
دماغي.. طلعت من وحدتي، وبقيت قادر أقابل ناس، وأخرج،
وأصلح علاقتي بكل الناس اللي خسروهم في السكة.
قولي بقى يا بابا إنت اتعلمت الطبيخ ده إزاي؟!
أولاً الطبيخ ده نفس.. شخصية.
وانت أحلى شخصية.

ثانياً: أنا مكتشن أقدر أفارق أمك ثانية واحدة.
كنت رايماً في ديلها.
أمك كانت غاوية طبيخ، وأنا كنت غاوي أمك.

فيلم «الموظفون في الأرض»

اللي بيعجب حد بيعمله كل حاجة بشكل مختلف وبحب
خاص، أحل أكل أمري كانت بتعمله هي العزومة اللي كانت
بتبقى بعد ما «مها» اختي تنزل إجازة من السعودية.

سر حلاوة الأكل واختلافه من ست للثانية رغم إن الطريقة
واحدة والمقادير تقريباً هي، بيكون في مود الست اللي
بتطبخ، ومدى حبها للناس اللي بتعملهم الأكل، وده اللي ممكن

يبقى «النفس» اللي بيقولوا عليه:

الأسطورة بتقول إن أقرب طريق لقلب الرجل معدته،
بس السر كله في درجة حب الست اللي بتطبخ للشخص أو لـأ،
وللطبخ ثانياً؛ لأن الطبخ موهبة، تخيل انت بقى لما تبقى ست
موهوبة في حاجة وكمان بتعملها بحب.

كنت بتناقش مع صديق مقرب مني في موضوع «الحنية»
عند الستات، وإن الستات في الجيل اللي فات كانوا «مطبياتية»،
كانوا بيحبو البيت والطبخ وتربية الأولاد، وكانوا بيعملوا
ده بحب، لكن الجيل الحالي عنده طموحات مختلفة وأفكار
مغايرة، وكل ست بقى عندها تطلعات خاصة بكيانها وبنجاحها
وإثباتها لنفسها، وده حق مشروع طبعاً، ومن حق كل ست تختار
شكل حياتها، وتختار كمان الشخص اللي يقف وراها لحد ما
تحقق طموحها.. ده لأن الزمن مختلف.. والحياة بقت أسهل،
فالاهتمام بالبيت مبقاش يحتاج نفس القدر من الوقت والمجهود
بتوع زمان، وأنا أعتقد إنه ممكن تحصل المعجزة والست تقدر
توقف بين البيت والشغل أخيراً، لكن تظل الست المطبياتية إن
وُجدت في هذا الزمان هي الأقرب إلى قلبي على الإطلاق، وده
يمكن اللي خلاني أحب مراتي في المقام الأول.

عشان الميزة اللي ملقيتهاش في أي حد غيرها، واللي خلتني
مستعد لأعمل أي حاجة عشان خاطرها، وعشان تفضل معايا..

إنها كل مرة كانت بتختارني.. كنت دائِمًا في باهاتا.. لدرجة إنها مرّة قامـت تعمل سلطة، وقالـت لـما مـتها بـصوت عـالي: «فيـه طـاطـم وـمحمد وـبس».

لـبـطـت حـيـاتـي، دـخـلت وـأـنـا أـبـيـض وـأـسـوـد، وـفـرـشـت روـحـي عـلـى ذـوقـهـا، وـبـقـيـت فـي خـلـال فـتـرة بـسيـطـة Colorful.

عـارـف لـمـا حـدـ يـتـولـي مـسـئـولـيـتكـ يـقـولـكـ اـدـخـلـ حـيـاتـي بـسـ وـمـلـكـشـ دـعـوةـ، هـيـ عـمـلـتـ كـدـهـ بـالـظـبـطـ، كـانـتـ وـمـاـزـالـتـ بـتـعـمـلـيـ كلـ حـاجـةـ مـشـ كـسـلـاـ منـيـ طـبـعـاـ، بـسـ كـلـ وـاحـدـ فـيـنـا يـحـبـ إـنـهـ يـقـنـىـ مـحـطـ اـهـتـمـامـ الـلـيـ بـيـحـبـهـ.. هـيـ فـعـلـاـ كـانـتـ مـسـئـولـةـ عـنـ كـلـ حـاجـةـ.. عـنـ شـكـلـيـ وـعـنـ موـاعـيدـ أـكـلـيـ وـلـبـسـيـ وـموـاعـيدـ الـأـدـوـيـةـ بـتـاعـتـيـ، وـموـاعـيدـ شـغـلـيـ، وـجـدـولـ حـفـلـاتـيـ.. بـسـ لـوـ تـفـتـكـرـوـاـ أـنـاـ قـلـتـ فـيـ الـأـوـلـ فـيـ حـاجـاتـ لـازـمـ عـلـشـانـ نـعـرـفـ درـجـةـ قـوـتـهـاـ بـنـكـسـرـهـاـ.

أـوـ بـمـعـنـىـ أـصـحـ عـمـرـكـ ماـ هـتـعـرـفـ قـوـةـ الرـابـطـ الـلـيـ بـيـنـكـ وـبـيـنـ الـلـيـ بـتـحـبـهـ غـيرـ مـعـ أـوـلـ اـخـتـيـارـ.. النـاسـ كـانـواـ فـاكـرـينـ سـفـيـنةـ تـايـتـنـيـكـ قـوـيـةـ جـدـاـ، لـدـرـجـةـ إـنـ الـبـعـضـ أـطـلـقـ عـلـيـهـاـ «الـسـفـيـنةـ الـتـيـ لـاـ تـغـرـقـ»، وـلـلـأـسـفـ مـعـ أـوـلـ اـخـتـيـارـ حـقـيقـيـ، وـبـعـدـ مـاـ اـصـطـدـمـتـ بـأـحـدـ الـجـبـالـ الـجـلـيدـيـةـ غـرـقـتـ، وـبـعـدـ فـتـرةـ مـنـ عـلـاقـتـنـاـ وـبـعـدـ مـاـ اـسـتـقـرـيـتـ قـلـبـاـ وـقـالـبـاـ كـانـ طـبـيعـيـ نـخـتـلـفـ أـوـ نـتـخـانـقـ أـوـ تـحـصـلـ مـشـكـلـةـ صـغـيرـةـ وـتـكـبـرـ، وـوقـتـهـاـ كـلـ وـاحـدـ يـعـرـفـ غـلـاوـتـهـ، وـيـشـوـفـ الـكـفـةـ بـتـاعـتـهـ تـقـيـلـةـ عـنـدـ التـانـيـ وـلـاـ لـاـ.

والموضوع ملوش علاقة بدرجة الحب خالص، كده كده
هتحصل مشكلة، محدث هيحب حد قد النبي عليه الصلاة
والسلام ما حب السيدة عائشة، ومعظمنا عارف قصة الخلاف
الشهير لما جاء أبو بكر يستأذن على الرسول صلى الله عليه وسلم،
فسمع السيدة عائشة، وهي رافعه صوتها على صوت النبي،
وبعد ما النبي أذن له بالدخول.. دخل وقال: «يَا ابْنَةَ أُمِّ رُومَانَ
- وَتَنَاؤَهَا - أَتَرْ فَعِينَ صَوْتَكِ عَلَى رَسُولِ اللَّهِ؟!

فقام النبي وحال بينه وبينها وبعد ما خرج سيدنا أبو بكر
النبي قعد يتكلم معها ويصالحها وقال لها: «أَلَا تَرَيْنَ أَنِّي قَدْ
حُلْتُ بَيْنَ الرَّجُلِ وَبَيْنَكِ»، ولما دخل أبو بكر عليه تاني فلقاهم
بيضحكوا فقال: «يَا رَسُولَ اللَّهِ أَشْرِكَانِي فِي سِلْمِكُمَا، كَمَا
أَشْرَكْتُهُمَا فِي حَرْبِكُمَا»^(١).

وطبعاً الله تعالى أعلى وأعلم، الشاهد من القصة إن كل البيوت
فيها اللي فيها، وكل العلاقات هتمر بخلافات، والمشاكل جزء من
طبيعة الحياة، بل بالعكس ساعات الخلافات اللي بتحصل بتخلّد
مشهد في علاقتكم ببعض عمركم ما بتنسوه بعد كده.

فاكر إني في مرة كان عندي حفلة كبيرة في إسكندرية.. وأنا
حفلاتي في إسكندرية بحب أنظمها بنفسي، وبيبقى ليها طابع

(١) والحديث صحيح فيما رواه أحمد في مسنده عن النعمان بن بشير، وكذا صححه الألباني في الصحيحـة.

خاص عشان علاقتي بأهلها وحبى الشديد لكل ما هو إسكندراني.
في الوقت ده كنت مشغول جدًا بترتيبات الحفلة، وتقريرًا
ما بنامش، واللي زود الطين بلة إن حصل خلاف مع بعض
أصدقائي الموسيقيين، وقررت إني أطلع على المسرح بدون أي
خلفيات موسيقية.

الليلة دي فضلت سهران طول الليل، مش شايف غير
المسرح والناس قدامي، وكنت مضغوط ومزاجي مش حلو،
ورايح جاي في الشقة زي اللي داخل امتحان الكيمياء وهو مش
مذاكر، كان بقالي يومين ثلاثة تقريبًا مبكلمهاش من كتر مانا
مشغول، كمان كنت طول الوقت عصبي، وكلامي على القدّ^٢
لدرجة إني مكنتش عارف هلبس إيه حتى.

في الوقت ده كان ليَا صديق تكفل هو بموضوع اللبس ده،
وبعتلي اللبس لحد المسرح، كل ده وأنا مضغوط ومكهرب كل
لي حواليا، لحد اللحظة اللي طلعت فيها على المسرح، وعملت
واحدة من أجمل حفلاتي في إسكندرية، بل من أجمل حفلاتي على
العموم، طبعًا خلصت من هنا، وكلمتها، وطمّتها على الحفلة،
وكان أول مرة ألاقي البوز الجميل.

تضاعفت جدًا، ولما رجعت شريط الفترة اللي فاتت لقيت
نفسي كنت مقصر في حقها جدًا، وبناءً عليه رجعت من إسكندرية
في نفس اليوم، وتاني يوم الصبح روحت على «كارمن» بتاع

الورد، ودي كانت أول مرة، وطبعاً في المواقف دي الشيكولاتة
بيكون ليها مفعول السحر، وكان معايا اللبس اللي حضرت بي
الحفلة، كنا حوالي الساعة ١٢ ظهر.

اتصلت بيها وقلت لها: أنا تحت البيت انزلي؛ إيهانًا بجملة
عظيمة كتبها الشاعر بهاء جاهين بتقول:
«أنا مش هقولك حddy لي ميعاد.. قابليني صدفة وإننا
متخاصمين».

وما أجمل تلك الصدف والله، الحقيقة إن عمرو دياب له
أغنية عظيمة بتتكلم عن المواقف دي متزلتش في ألبوم، بس
اتغنت في إحدى الحفلات أغنية أيقونية اسمها «كان باين من
سلامها».. ختم الأغنية بكتوبليه قال فيه:
«لا قلت ظلماني.. ولا قلبي ياما ضحى..
قلت لها وحشاني وخفت أجرحها..
ويذوب بيص في عندها وخلاص
هلمس إديها لقيتها جوا حضني.. رجعت لمطربها».


وأظن مفيش أجمل من أم كلثوم وهي بتقول:
«وهمس لي قال الحق عليه.. نسيت ساعتها بعدنا ليه».
الي هو أنا هشوفك هنسى إننا متخاصمين أصلًا.. المقابلة
الي بتحل أي مشكلة وبتصفي أي خلاف.. الحب كما يجب أن
يكون، ومن أجمل تفاصيل علاقتنا إن البيت ده كان في الحيطة

اللي فوق بوابته فروق بتبيّن مين اللي نازل من على السلم، طبعاً لما
بصت لي من البلكونة كان وشها منفوخ من العياط، إنتوا عارفين
البنات في المواقف دي مبيتحملوش الهاو.. اللي خلى اللحظة دي
ليها غلاوتها في قلبي، وحفرها في ذكرياتي إني كنت شايفها، وهي
نازلة على السلم من بين الفروق اللي في الحيطه، وكانت طول
ما هي نازلة بتحلوّ، الموقف ده كان السبب إني أكتب قصيدة
«بتحلوّي» وعشان كده عمري ما هنسااه.

هتكشف في النهاية إن الخلافات ممكن تبقى ذكريات حلوة
بعد كده، وإن علاقتنا ببعض بتستمر مش عشان مفيش مشاكل،
بتستمر عشان إحنا بنقدر نتجاوز مع بعض أي حاجة بتحصل،
وباقيين على بعض، وبنختار بعض، وعارفين قيمة بعض.
وده اللي بيخلينا نكمل رغم أي خلاف.

* * *

القسم الثاني
«آخر يابسات»



اليابسة الأولى
سنبلة وحيدة في الصحراء



«الوحدة»

«محتاج لحد أكمله وأكمل معاه»

الوحدة تأتي مع الحياة

ويتنى هيوستن

الوحدة، وما أدراك ما الوحدة، يا بتختارها بمزاجك يا
بتختارها غصب عنك.

شبح بيطاردك..

ها جس بيخليلك مش متزن نفسياً.

ممكن إحساسك بالوحدة يكون بسبب غياب شخص واحد.. وتبقى مستغرب إزاي الناس دي كلها حواليك بس
انت «فاضي من جوه»، حاسس إنك تايه في مولد الناس والحياة..
قاعد معاهم بس روحك مش معاك، مطفي ومش عارف تحس
بحاجة، ومش مستطعم حياتك، زي ما تكون الحياة وقفت عند
لحظة معينة..

حتى الوحدة اللي انت بتختارها بمزاجك.. إنت مبتكاش
اخترت الوحدة.. إنت بتبقى اخترت كرامتك.. غبت عشان

تشوف مين اللي هيفتقد وجودك فعلاً.. عشان تعرف مين اللي
هيسأّل عليك.. غيابك مكانش أكتر من مجرد فلتة لقايمة الناس
اللي في حياتك.. إنها انت ورغم إحساسك إنك مرتاح بالوحدة،
وإنك كده مبسوط وبالك رايك.. مجرد حلاوة روح.. إنت مرتاح
بس عشان بعيد عن الناس الغلط.. لكن لو انت محاط فعلاً
بالناس اللي بتحبك وبتقدم لك الدعم النفسي، وبتسمعك وقت ما
تفضفض، فإنك أكيد مش هتبقى مرتاح في الوحدة ولا هتحبها.
بس بييجي عليك وقت بتبقى عايز تمشي، تقول كفاية..
أنا بعمل إيه هنا.. بتحس فجأة إن ده مش مكانك، وإنك لازم
تخرج من كل العلاقات اللي بتسحب من طاقتك وبتاكل روحك،
مفيش حد يقدر يعيش لوحده..

إنت هتاكل وہتشرب وہتروح شغلك وہتقضي أيامك
من الآخر يعني مش هتموت، وكده كده زي ما بيقولوا «الحياة
بتستمر».

يمكن وحدتك تقرّبك من نفسك أكتر، يمكن تخليك
تستثمر وقتك في قرایة كل الكتب اللي جبتها، وكل الأفلام اللي
مكتنش فاضي تشووفها، وبعد فترة تلاقي نفسك اتعودت على
كده، فتنزل تقدّع مع نفسك على القهوة بعد ما كنت بتنزل مع
صحابك، وتاخد كورساتك لوحدهك من غير ما تستنى إن حد
يشجّعك، تشتري لبسك مع نفسك من غير ما تاخد رأي حد.

تروح للدكتور من غير ماتاخد حد معاك، وبتعمل كده
بنفسك ولنفسك عشان إنت فعلاً معنديكش حد.

مرة واحد قال لي هسيجي وقت تتمنى فيه إن حد يسألك
«إزيك»، ليه صديق كان بيحب مراته جداً، وبعد ما انفصلوا
بفترة.. قلت له: مبتفكرش ترجع؟! قال لي: تصدق إني مش
مفتقد حبها ليه قد ما مفتقد سؤالها عنني.

وقال لي: يا أخي إنت بتحتاج حد يقولك إنت كويس؟!
إنت كلت؟! سرحان في إيه؟! طمني عليك محتاج شوية ونس..
محتاج تحس إنك مهم في حياة حد.

أحمد حلمي في فيلم «آسف على الإزعاج» لما منة شلبي
قالت له امشي، قال لها:
«مش هعرف.. مش هعرف.. عشان هبقى لوحدي.. وأنا
مش عايزة أبقى لوحدي».

عبد الرحمن الأبنودي في قصيدة العمة يامنة بيتكلم عن
الوحدة اللي بيمر بها الإنسان في آخر حياته، وبيقول:
«طب أنا ليه ست سنين..

مزروعة في ضهر الباب..
لم طلوا علياً أحبه ولا أغرباب»

وقال كمان:
«لو جاك الموت يا وليدي موت على طول..

اللي اخطفوا فضلوا أحباب..
صاحين في القلب كأن محدثش غاب..
واللي ماتوا حته حته ونشفوا وهم حيين..
حتى سلامُ عليكم مش بتعدي من بره الأعتاب».
كأن الموت وانت صغير أهون من إنك تكبر وتعيش
لوحدك.

أنا عن نفسي (مبعرفش أعدى) الجملة دي بتلخص كل
حياتي تقريباً.. ظروف في الصحية أجبرتني إني أبقى دايهاً محتاج
حد.. حد يساعدني وانا بمشي وانا بطلع السلم وانا بلبس
الجزمة، مبعرفش أشيل حاجة تقيلة، ومبعرفش أقف في طوابير،
محتاج حد يقول رأيه فيا ويجامعني عشان ثقتي في نفسي متتهزش..
محتاج حد يعدينني الطريق.. طريق الحياة.. حد يحسني بقيمة
وأهمية «الشراكه».. حد أبقى أنا كل حاجة في حياته.. حد يحطني
رقم واحد في أولوياته، حد يحسني إني محور يومه.. وزى ما
قلت قبل كده في أغنية مطلوب حبيب:

يقاسمني في دموع الفرح..
ضحك العزا..

والصمت والخوف والبكاء
والاحتياج والترفة
تبقى بتتسحل في شغلك وبتنجح وكيانك بيكبر، وبحتحق

ذاتك، وفخور بنفسك، بس برضه محتاج تسقيفة ست واحدة..
محتاج تروح ترمي في حضن.. محتاج حد تقلع وشك قدامه..
تعري روحك من غير حساب.. حد يعرفك بكل الندبات اللي
في روحك، ويحبك زي مانت وخلاص.

الفنان الراحل فؤاد المهندس في لقاء مع مفيد فوزي كان
يقول بمنتهى العفوية والبساطة اللي في الدنيا:

«أنا بدلع نفسي كل يوم.. مش لاقي حد يدّلعني.. أنا بدلع
نفسني.. بدلع نفسي الصبح.. أقعد أبص لنفسي وأقول إيه.. يعني
هتعمل إيه النهارده.. يعني أبص لنفسي وأبص لعيني وأبص
لمناخيри وأبص لـ... أنا مناخيري معلش وارمة النهارده شوية
إنها معلش.. الحنان بيديني طاقة.. الحب يديني طاقة.. الدلع
يديني طاقة.. كل الحاجات دي.. كل الحاجات الآمنة.. اللي فيها
رفاهية العواطف.. فاهم؟! ده يخليني أنا في أحلى وقتني وفي أوج
قوتي في الفن».

فرد عليه مفيد فوزي وقال له:

«انت عارف إن أنا.. اسمح لي يعني أكتم انفعالاتي.. لكن
مش متخيل خالص إن فؤاد المهندس.. هذه القمة المصرية
العربية.. بيدلّع نفسه؟! مش ممكن يعني فؤاد المهندس مفيش في
حياته إنسان يدلّعه ويهنته، ويطلع كل اللي في قلبه من المخزون
العظيم ده؟ ده معقول؟».

وفجأة فؤاد المهندس قال له:

«أنا ملقيتش حد يدلعني يا أستاذ مفید.. ملقيتش حد يدلعني.. مفيش حد استناني ع الغدا».. ثم كتم دموعه واستطرد كلامه وقال: «آه بدلع نفسي أنا محتاج ده.. طبيعتي كده.. كانت أمي الله يرحمها تدلعني.. وكان بابا الله يرحمه يدلعني.. وعارف فؤاد.. عارف فؤاد يتتع منين.. يتتع إزاي.. وأمي كانت كده.. عارفاني تماماً.. صافية أختي ساعات تدلعني.. بس مش فاضية علشان عندها بيتها وأولادها وجوزها، يعني أنا القريبين مني أووي.. يحاولوا يدلعني.. بس أنا مفيش حد جوايا، جنبي.. شريكة لحياتي».

«عكس الشعور بالوحدة.. ليس التواجد سوياً، لكن الألفة»

ريتشارد باتشن

إنت هفضل حاسس بالوحدة طول ما انت في المكان غير المناسب.. طول ما انت في الدايرة غير الآمنة.. طول ما انت مع الناس اللي مش شبهك.. طول ما بتحاول تتأقلم على أوضاع أو على أشخاص إنت مش حاببهم ومش حابب وجودهم في حياتك.

عشان متحسس بالوحدة لازم تحس إنك «لايق»..

لايق على شغلك.. على صحابك.. على الناس اللي بتقابلهم كل يوم.. الأبنودي في قصيدة «جوابات حرافي القط» كان

بيوصف إحساس العامل الصعيدي وهو مسافر يشتغل في السد
العالي وسايب بيته وعياته، بيوصف الغربة اللي بيحسها الإنسان،
وهو بعيد عن الناس اللي منه، فقال:

«عارفة يا مرقي الراجل في الغربية بيشهه إيه؟!
عود درة واحداني في غيط كمون».

الوحدة والغربة وجهان لعملة واحدة، هي إحساسك إنك
مش شبه المكان اللي انت فيه.. بس مش عايز أو مش قادر تمشي.
الشاعر نبيل عبد الحميد اتكلم عن دائرة الصحاب اللي
بتتفركش بعد ما مرحلة الجامعة بتخلص، وكل واحد بيتسحل
في دائرة أكل العيش والحياة في قصيدة «كنا سبعة»:

كنا سبعة

ويّا بعض نروح ونبيجي
أي وقت وأي حنة
جامعة ماشي
قهوة ماشي
أي هلس ورمي جنة
بس من بعد الشهادة
كله كان عمال يعاشر
شال هدومه وراح مسافر

خد هدومه وسابنا ستة

ساب جاكته لواحد فينا وقال له ذكرى

رد قال له عمري ما انساك يا صديقي

شاها عنده

ويوم جوازه كان لا بسها

وسابنا خمسة

فات شهور وعملنا حادثة

كان سببها الصربعة ..

طيش شباب وهزار سوادة

وضحك فاضي ومرقعة

والermen كان حدّ غالٍ

مات وسابنا أربعة

صدمة كانت مفجعة

لما فوقنا قالوا لنا مات

واما واحد فينا كمل

باقي عمره بعكازات

كان بيمشي تاتا.. تاتا

والآلم خلاه يسيينا

للخطاوي احنا التلاتة

بالمعارف والوساطة
والرشاوي والهدايا
جاله تعين قبلي
راح مسافر وساب واحد معايا
والنهاية
نيجي نقدر القهوة
نيجي نحكى مرة كل فين وفين
والمسافة تزيد ما بینا
والشهر بتجيip سنين
باقي مين
غير حنين الروح ودمعة
وصورة كانت باقية عندي
وافتكر لو شفت جامعة
ولا جنب القهوة اعدى
إن إحنا كنا سبعة
وإني في الآخر
لوحدي

ودي الحقيقة، كده كده هييجيلك وقت تحس فيه إنك
لوحدك، والمرة دي مش بمزاجك هيبقى غصب عنك.. بطبيعة

الحال الدنيا تلاهي وكل واحد عنده اللي يخليه مشغول عن الثاني
مهما كان بيحبه، وعشان ننجو بأنفسنا من قلبة الأيام والوحدة
اللي في آخر الرحلة، لازم نحّوش حد للزمن.. شريك للحياة..
يفضل معانا لحد ما ندبّل مع بعض، يكمل معانا لآخر يوم
نعيشه، ويبقى هو ده «تحويشة العمر كلها».
نقطة ومن أول الناس.

* * *

اليابسة الثانية
العطش



«قليل منك يكفي»

«عند الجوع لا يوجد خبز سيئ»

ماركيز

للأسف ده بالظبط اللي بيعمله الاحتياج في الناس، الاحتياج بييجي بعد ما بتقع في فخ الوحدة.. بعد ما بتتصن نفسك وتقول: «هو أنا مستاهلش أتحب فعلًا؟!»، «هو أنا ليه مفيش في حياتي حد زي بقية الناس؟!»، «هو أنا ليه معنديش حد يكلمني ويسأل علياً ويأخذ باله مني.. ويهمم بكل كبيرة وصغيرة في حياتي؟!».

انتشرت على السوشيال ميديا بوستات من نوعية «هو أنا ليه محدش بيحبني؟»، وكذلك البوستات اللي بتتكلم عن احتياج الناس العاطفي اللي بيتضخم بعد الساعة ١٢ بالليل، وعن آلام الناس اللي عمرها ما حست باحتواء، الفراغ القاتل اللي بيصاحبك كل ليلة.. وجعلك اللي مبتعرفش تحكيه.. وال حاجات اللي مضايقاك ومش عارف تقولها لمين.. كل الحاجات دي بتجعل منك في النهاية إنسان ضعيف قدام أي اهتمام.. أو أي كلمة حلوة.. وقتها بتبقى عايز تسد على أي كتف وخلاص.. أي حد يلمم شتاتك، ويصالحك على نفسك تاني ويرحمك من إحساسك

إنك «قليل» أو متساهمش تتحبب.. بتبقى جعان مشاعر.. جعان حب وجعان مراضية وطبطبة.. وزي ما قال ماركيز: «عند الجوع لا يوجد خبر سيء».. فجأة بتلاقي نفسك بتركب في أول قطر يقابللك.. وترتبط بأول حد يقولك كلمة حلوة.. من غير ما تفكر هل انت بتتحبه بجد.. ولا بتتحب حبه ليك.. بتتحبه ولا شيطان فيه وخلاص؟ عشان مش عايز تبقى لوحدك.

«قول لي أنا بحبك عشان ممومتش نفسى.. هرمي نفسى تحت الشريط (شريط القطر)، والمصحف لو ماقلت لي أنا بحبك.. أوعى سيبنى.. قول لي بحبك طيب.. قول لي طيب بحبك».

عبدة كامل فيلم «هيسنريا»

آه الاحتياج بييجي كنتيجة للوحدة بس عمره ما هيعرف يدخل غير من بوابة الاكتئاب، تخيل شخص أجبرته الظروف إنه يبقى وحيد، وبعد كده يدخل في حالة اكتئاب، تفتكر إيه اللي ممكن يحصل لي هيحاول يدخل حياته.. إنت حرفياً بتبقى داخل تلّم إزار، لازم تبقى عامل حسابك إنك معرض للجروح بسببه طول الوقت، أصعب شخص ممكن تدخل حياته هو الشخص المكتب؛ عشان الاكتئاب بيخلية يفقد القدرة على الانبهار بالأشياء، شخص معندهوش أي حاجة يديهالك، إنت دخلت حياة واحد «خلص».

«بالأمس، ظنت أن قبلاً قد امتصت كل تلك الوحدة بداخلك. ظنت أنني فعلت، لكنك نهضت، بعظام عارية وأيدٍ مرتעشه، وأخبرتني بعقدة أخرى في جسدك، لا يمكنني حلها.. لا أعرف أبداً ما الذي يجب عليّ قوله ردًا على مثل تلك الأشياء. «لا بأس». «عد إلى السرير». «أرجوك، لا ترحل مجددًا». أحياناً، كنت ترحل بالأيام، وكان كل ما باستطاعتي فعله هو ألا أتصل بالشرطة، وأحرر محضرًا باختفائك، وأنت هنا، غافٍ بجواري في الفراش، بعينين كمنزلٍ خاويٍ في الشتاء، موقدة أنواره فقط لإبعاد الدخلاء. إلا أنه في حالتنا، كنت أنا الدخيل، وكانت أنت حبيس سجن ضيق لا يسعى أحد للتسليل إليه.

بالأمس، ظنت أنني منحتك سبباً لثلاً تحزن عندما حملت جسدك كنوتة عالية، بينما كنا نرتجف من فرط الإجهاد، إلا أن بعض الناس تتجاوز أحزانهم كل المنطق، وكل الرفق، وكل المحبة. الآن بت أعلم أفضل..

أعلم ما ينبغي عليّ قوله ردًا على تلك الأشياء التي تهمس لي بها في الظلام، بعظام عارية وأيدٍ مرتعشه: «لا بأس». «يمكنك البقاء في السرير». «أرجوك، عُد إلى من جديد».

أن تقع في حب مريض بالاكتئاب

دونا رايلى - ترجمة: جنة عادل

أنا يمكن أكثر واحد متعاطف مع مرضى الاكتئاب، مش

بس عشان منهم، ولا عشان معايكي مع الاكتئاب مستمرة لحد النهارده.. لكن علشان المكتئب عايش اليوم بيومه.. بيقاوح مع الدنيا بالشكل اللي يخلية يقاوم لمدة يوم كمان.. بس في الحقيقة أنا برجع، وأتعاطف أكثر مع الشخص اللي بيقرر يكمل في علاقته بحد مريض بالاكتئاب.. مريض الاكتئاب بيبقى عامل زي الغريق المتهيج.. لازم اللي بينقذه يكون واحد باله جدًا عشان ممكن يغرق معاه.. لأنه من غير ما يقصد هيسحب طاقتوك كلها.. ويأخذك لعالم الانطوائية والكافأة.. ولازم الشخص المكتئب ده بيقى عارف إن لكل إنسان طاقة تحمل.. بعدها مش هيقدر يدي حاجة.. وإن الشمعة اللي دخلت تنور حياته هي Jessie لها وقت وتخلاص.. عشان كده لازم يتقاسموا في كل الحمول اللي شايلينها.. على رأي والد الشعراء فؤاد حداد:

«حمل الليالي خفيف.. لما يشيلوه اتنين»

الاحتياج ما هو إلا فراغ عاطفي كبير بيتسدل لقلب البني آدم.. ويفقده ثقته في نفسه.. فتلاقي نفسك بتدور على النور والأمان والدفا.. بس للأسف ممكن تلاقي نفسك بتلعب لعبة الفراشة والصاعق.. وأول ما تقرب تندم.. وتكشف إنك في المكان الغلط.. ولا انت عارف ترجع لوحدتك، ولا انت عارف تكمل معاه.

في فيلم HER

كان بيتكلم عن «ثيودور» بطل الفيلم اللي كان عايش لوحده

بعد انفصاله عن مراته.. كان شغال في شركة «كتابة رسائل»، وكان بيأخذ أجر مقابل إنه يكتب للناس رسائلهم الشخصية، يعني بمعنى أصح ثيودور هو الشخص اللي انت بتروح له لو انت عايز تبعث رسالة لحد، ومش عارف تكتب له إيه.. بيقضي معظم وقته ما بين صحابه وبين ألعاب الفيديو.. وفجأة بيسمع عن نظام تشغيل جديد اسمه «أو إس واحد»، النظام ده كان قائم كله على الذكاء الاصطناعي حاجة كده زي «سيري» في موبايلات شركة «آبل».

بس إحنا هنا طبعاً بنتكلم عن النظام الأذكي في العالم، وطبعاً بيعرف على «سوانثا» اللي هي في الأساس شخصية افتراضية مش موجودة في الواقع.. وبببتدئي يتعلق بيها ويحبها.. معظممنا مرّ بمرحلة إنه يتعرف على شخص عن طريق الإنترن特.. وعلاقتهم تتطور لرغبي بالساعات في الموبايل.. وفجأة الشخصية دي بتتبحّر بعد ما بتبقى وصلت معها لأقصى درجات التعلق والارتباط العاطفي.. الاحتياج ليه أنواع كتيرة أصعبها هو الاحتياج اللي بتعيشه بعد ما بتتساب.. أعراض الانسحاب اللي بتتدخل فيها بعد كده.. إنت بتمر بأسوأ أنواع الإدمان «إدمان الأشخاص».. بيبقى مطلوب منك بين يوم وليلة تمحي شخص من ذكرياتك كأنه مكانتش.. ولعنة النسيان في إنك طول مانت بتحاول تنسى حاجة.. طول مانت بتتفتكرها.

Eternal sunshine فيلم

واحدة من أهم القصص اللي اتكلمت عن محاولات النسيان والخروج من علاقة مينفعش تكمل.. أحداث الفيلم بتدور حوالين «جول» و«كلمنتين»، اتنين بيدخلوا في علاقة حب لمدة سنتين، وفجأة «كلمنتين» بتقرر إنها تروح عيادة طبية، وفي العيادة دي جهاز قدرت من خلاله إنها تمسح «جول» من ذاكرتها بشكل نهائي.. هو وكل التفاصيل المرتبطة بيها.. وده حصل بعد حصيلة كبيرة من التراكمات السلبية اللي أددت في النهاية إنها تقرر تخلص من العلاقة دي للأبد.. طبعاً «جول» بدروه بيروح العيادة، وهو في متهى الغضب عشان يمسح «كلمنتين» من ذاكرته، وينهي العلاقة هو كمان بكل تفاصيلها.. لكن للأسف وقتها بتنتابه رغبة عكسية في إنه يسترجع كل شيء بينه وبينها.. ويعمل كل اللي يقدر عليه عشان يحتفظ بذكرياته معها.. الموضوع مشابه أوي مشهد في أحد أهم الأفلام اللي اتكلمت عن زراعة الأفكار

وهو فيلم Inception

أقول لك: لا تفكّر بالأفياـل

بـم تـفكـر؟!

= الأفياـل

إنت ممكن تبقى بتفتـكـر بـس مجرد إـنـكـ بـتـحاـولـ تـنسـىـ؛ لأنـ
بسـاطـةـ الشـخـصـ بـيـجيـ علىـ بالـكـ، حتـىـ وـانتـ بـتـديـ الـأـمـرـ لـعـقـلـكـ

إنه ينساه، وإننا اتفقنا إن للقلب كمان ذاكرته الخاصة.. يعني إنت كده كده متحاوط.. فمفيش أصعب من النسيان هو شيء أقرب للمستحيل، وطبعاً أنا مشحتاج أقول قد إيه الموضوع مرهق وصعب، وقد إيه علاقة واحدة ممكن تستهلك سنين طويلة من عمر الإنسان عشان يتجاوها ويعيش بعدها الإنسان مش بينسى، الإنسان بيتجاوز بعد كل مجموعة صدمات شخصيتك هتتغير لدرجة إنك هتحس إنك واحد تاني.. أو واحد تالت.. وهتشتاق لننسخ قديمة من شخصيتك.. كانت أبسط وأسعد.. وأكثر إقبالاً على الحياة.. التجارب اللي انت بتدخلها وتطلع منها بتخلiek تشف نهایات القصص قبل ما تبدأها.. وده اللي بيسموه «عنصر الخبرة».. بعد فترة بتبقى قادر تشف الناس بعين تالتة.. بتبقى زي الجواهرجي.. باصص للناس وفاهم فيهم.. عارف مين بيقى صاحب خروجة.. ومين متشارل للتقليلة.. عارف مين ينفع يدخل حياتك من غير ما يعمل دوشة.. وعارف مين مينفعش حتى يبقى في دائرة المعارف.. كل ما بتكبر كل ما كلمة «بحبك» نطقها بيبقى أصعب.. وفكرة ارتباطك بحد بتبقى ولا أصعب.. عشان انت مش عايز تدخل نفس الدائرة دي تاني.. أو حتى تقرب من أي دائرة محتمل إنها توصل لك لنفس النهاية.

نقطة ومن أول العلاقات.

* * *

اليابسة الثالثة الإهمال



الإهمال

قلة الاهتمام

العقدة الصغيرة اللي بتبدأ منها كل العقد اللي مبنعرفش
نفكها بعد كده..

كرة التلح اللي بتبدأ صغيرة، وتفضل تكبر لحد ما تاخذ كل
حاجة في سكتها..

مفيش علاقة بتنتهي فجأة، فيه حاجة اسمها تراكمات،
والتراكمات دي ٩٠٪ منها بيقى بسبب قلة الاهتمام!
«جميل أن تشعر أن هناك في زاوية ما من
هذه الكرة الأرضية من يفكر فيك، ويتألم لك،
ويهتز للامك وأثنيائك الصغيرة».

واسيني الأعرج - رواية طوق الياسمين

عظمة الاهتمام كلها في إنك بتخلي الشخص يحس بقيمه
وأهميته بالنسبة لك، بيشوف انعكاس حبك ليه في الحاجات اللي
انت بتعملها عشان خاطره، المرات اللي انت بتتعب فيها عشان هو
يرتاح، كام مرة اخترته قبل ما تختار نفسك، كام مرة حس إنه رقم
١ في أولوياتك، كام مرة راضيته ونصفته على شكه في إنك ممكن
تخذله! مهما كان الشخص واثق فيك فهو واثق فيك دلوقتي، لكن

يفضل عنده هاجس إنك ممكن تتغير، وطول ما انت بتهم بيه طول ما هو بيبقى متطمئن وبيتتصر على هاجس الخوف.. أم كلثوم مثلاً وهي بتقول: «وبخاف عليك.. وبخاف تنساني».

قالتها بنبرة استعطاف كأنها بتقوله: «أنا بحبك إوعى تنساني»، أنا حسيت بالجملة دي وقت ما كنت مسافر كام يوم يوم بره مصر، وكانت (آية) جاية معايا المطار توصلني، أول ما خرجنا من الباب، وركبنا الأسانسير قالت لي: «إوعى تنساني».. وقتها أنا جسمي كله تلّج من الكلمة، وبقيت خايف فعلاً أبقى مشغول للدرجة إني ملاقيش وقت أكلمها خلال الكام يوم دول.. أول ما وصلت كنت حريص جدًا إني أشاركها في كل تفصيلة بتحصل، وآخذ لها صورة من كل مكان بروحه، وأبلغها بكل تفصيلة بتحصل في يومي، كأنها معايا بالظبط.. كنت بحاول وأنا مسافر أملأ الفراغ اللي سبته ومشيت في مصر.. كنت بحاول أقوّلها بكل تصرفاتي إني مش أنا الشخص اللي ممكن تقلقي من إهماله.. وإنّي أكتر واحد كنت بعاني من تجاهل كل اللي بحبهم ليـا.. لذلك وفي الحالة دي تحديداً فاقد الشيء هو أحسن حد يعطيه.. كنت مستعد لأعمل أي حاجة عشان ألغى فكرة إني ممكن أنساها دي من دماغها.. حتى لو اضطريت أسيب كل حاجة، وأرجع أقعد معها..

«الاهتمام الكبير قد يغلب الحب أحياناً».

نزار قباني

لما قررت إني أناقش مشكلة بالحساسية دي قررت أدي مساحة للناس إنها تحكي عن الاهتمام اللي هي تحتاجه من وجهة نظرها، فعملت استفتاء عن الاهتمام وتأثيره على الناس، وعلى علاقتهم ببعض، جت لي رسائل كتير جداً اكتشفت فيها قد إيه الناس بقى عندهاوعي باحتياجاتهم النفسية، وقد إيه أصدقائي من قراء كتبى مثقفين نفسياً، وعندهم حس تعبيري، وبيعرفوا يكتبوا عن نفسهم، هناقش معًاكم أكثر الرسائل شمولاً للاهتمام كفكرة أو كفعل !

الرسالة الأولى:

«الاهتمام بالنسبة لي أهم بكثير من الحب، بس أنا طول عمري مفتقداه، يمكن طول الوقت بقدمه لغيري عشان ألاقي حد يقدمهولي، بس أنا عمري ما لقيته، عمري ما لقيت حد مهم بيأ لدرجة إنه يبقى فاهمني أكثر مني، أو أنه يلاحظ إني مش كويستة وبكذب، أو إنه يعرف يخليني أخرج حاجة تاعباني، وكاتماها جوايا، أنا عمري ما لقيت حد يخليني أبقى متطرمنة جنبه وواثقة فيه».

الرسالة الثانية:

«الحقيقة الاهتمام من وجهة نظري إنه حد يحس بيأ، يفهم سكوتى من غير ما اتكلم، ميكونش عارف إني في ضيقه وما يقفل جنبي، يفهم إني هتبسط بوجوده، يفهم إني منتظراه هو يهتم لو كل البشر حوالياً المعطلة دي كبيرة أوي».

الرسالة الثالثة:

«الاهتمام.. احتواء للروح، إكمال الناقص من شخصية الطرف الآخر، إعادة المفقود من الثقة بالنفس اللي تسبب في فقدها انتقاد الناس وآراؤهم السلبية، كلنا بنحتاج الاهتمام، عشان كلنا محتاجين إيد تطبطب علينا، وتحسستنا إن وجودنا فارق.. إن لينا وجود أصلًا، محتاجين مشاركة الحاجات الصغيرة اللي بنحبها.. لما اللي قدامنا يهتم بالتفاصيل دي بنحبه تلقائيًا، وبنحب وجوده في حياتنا، الاهتمام طمأنينة، الاهتمام جزء كبير من الحب، عشان كدا حب بلا اهتمام يعتبر حب ميت متبلد المشاعر، الاهتمام بييجي بعد الحب على طول أول ما تحب شخص هتهتم بييه تلقائيًا، لما تحب اختصاص أو هواية أو شغلانة هتهتم بيها من غير ما تحس، وغلط بيرتكبوه الناس إنهم يتصنّعوا الاهتمام، بتستنزف طاقة من مشاعرك ومشاعر اللي قدامك.

الرسالة الرابعة:

«الاهتمام: ما هو إلا تكبير لكلمة أفعال أو بمعنى أصح كلمة أشد من فعل لإثباتي ليك / ي إني بحبك، إني اشوف التفاصيل الصغيرة اللي بتفرحك واعملها، الحاجات الأصغر اللي بتضايقك ومعملهاش، آخذ بالي من التفاصيل وأحاول أرسم البهجة فحياة الطرف الثاني، أكون جنبه لو العالم سابه، أرفع

منه أwooوي وأحسسه إنه أرقى وأعظم من أي حد على الكون،
ويا ريت يفضل أعظم مني، الاهتمام يساوي أفعال، وملوش
دعة بالكلام، إذا كانت صداقه أو علاقه حب، الاهتمام اكتمال
العلاقه وبتحبيها، ولو قل الكلام بيننا ممكن بمجرد اهتمام بسيط
لتفصيله ملهاش أي لازمه تسقي العلاقة من تاني، هو مفيش
تشبيه تاني غير إن العلاقة عاملة زي الورد تهم بيها وتسقيها
تفتح، تسببها تموت وتدبل، وعشان كده الاهتمام اكتمال لأي
علاقة حتى لو هنهم بشكlnا ونغيره عشان اللي قدامنا بس بيتسنم
ولو ابتسامة صغيرة خالص، بس مع الوقت بتفرق، مع الوقت
الاهتمام بيختفي العيوب، وبزيد المحبه، الاهتمام حلو أوي، ويا
بخت اللي يلاقيه من الشخص اللي بيحبه».

الرسالة الخامسة:

رسالة كانت من كاتبة صديقة قالت لي فيها: «الاهتمام هو فعل
بسقط جداً، مينفعش نقول الظروف مش بتخلينا نهتم؛ لأن اللي
بيهتم فعلاً هيخلق وقت لي بيحبه بحاجات بسيطة، ممكن مكالمه
تليفون، رسالة «إنت على بالي ومش ناسيك»، حاجة بسيطة نتطمـن
بيها وسط الزحمة إن لسه لينا مكان، الاحتياج للاهتمام ده شيء
بعـض، ومؤذـي، والأسوأ منه لما تقع ضـحـية لـشـخـص بـيـحـبـكـ ويـهـتمـ
بـيكـ، ويـسـحبـ منـ تـحـتكـ سـجـادـةـ الـاهـتمـامـ، وـكـأنـكـ بـتـطـلـعـ لـسـابـعـ
سـهـاءـ، وـتـنـزـلـ بـتـجـاهـلـهـ لـيـكـ وـقـلـةـ تـقـدـيرـهـ لـسـابـعـ أـرـضـ.. الـاهـتمـامـ

هو التفاصيل اللي ممكن أكون أنا نسيتها، بس ولأن الشخص ده بيحبك عمره ما هينساها، عمره ما هينسي مثلاً أبي بحب الشاورما إكسترا تومية، ولا أبي بحب أمشي على البحر لما بتعصب، ولا إني لما أقول امشي يبقى أنا قاصدة إنه يمشي فعلًا، كلمة امشي بيقي معناها خليلك.. أنا محتاجلك، الاهتمام إنه يعرف إني بتوتر من الزحمة، فيمسك أيدي تلقائي يطمني رغم إني مقولتش إني خايفه».

الرسالة السادسة:

«الاهتمام مش بس مقتصر على واحد وواحدة بيحبو بعض، لا ده بين الإخوات كمان، والأصدقاء، وخاصة الأصدقاء، هو إنك تكون أولى الأولويات، ومتتفعش تتحط بين اختيارات، نبقى مع بعض في وقت الفرح والحزن والأمل واليأس والاكتئاب والسعادة بدون ملل، الاهتمام إننا منزهقش من بعض مهما قل كلامنا أو خلص. الاهتمام إنك تحس إني محتاجلك على طول فدائيًا ألاقيك موجود وتفهم وتحس بيأ أكثر من نفسي، الاهتمام هو المية اللي بتتسقي زرعة الحب لو قل أو اختلفي الزرع يموت». الناس وهي بتتكلم عن الاهتمام.. كانت بتتكلم عن الحب وهي مش واحدة بالها، واحدة من ضمن الرسائل كان مكتوب في أولها «الاهتمام مطلب لا يُطلب».

أنا وقفت عند الرسالة دي تحديدًا؛ لأن ده بقى مربط الفرس.. الاهتمام فعلًا هو الحاجة اللي أنا عايزها، بس مينفعش

أقولك تديهالي.. لازم إنت بنفسك تدور ناقصني إيه.. آه طبعاً
تدور وتنفع، وتحسني إنك بتبدل مجهد.. أومال انت هتثبت
إنك بتحبني ازاي.. بالعكس بقى ده انت هتبقى حاسس إن تعبك
وانت بتحاول تهم بيا وترضيني راحة.. أو على الأقل هتنسي

تعبك بمجرد ما تحس إني مبسوط.. بس فيه سؤال مهم هنا:
لما الناس كلها عارفة يعني إيه اهتمام.. أومال ليه فيه ناس
ما بتعرفش تهم؟

أتنى مكونش بفاجئكم لما أقولكم إن الناس كلها بتهم،
بس كل واحد بيهم من وجهة نظره هو.. كل واحد بيحس
إنه بيعمل اللي عليه.. والخلاف جاي من إن الاهتمام معروف..
بس نسي.. الاهتمام من وجهة نظري هو إنك تتحب الحب
اللي نفسك تتحبه.. تتحب بالطريقة اللي انت متخيلاها، وزي
ما اتنى تتحب.. تتحب بالطريقة اللي انت بتحب بيهها.. بس
في النهاية مش كل الناس بتعرف تحبنا زي ما نفسنا نتحب..
وعشان كده دايمًا بنس إن فيه حنة ناقصة دايمًا، واحنا بنتكلم
عن الاهتمام.

وزي ما نجيب محفوظ قال: «مهما كبرنا تبقى قلوبنا
كالأطفال، تحتاج الاهتمام».
نقطة ومن أول الحب.

* * *

اليابسة الرابعة أزمة الخوف



«الخوف»

- يعني ازاي البنـي آدم يختار حد، ويحس ويبقى متأكد وعارف إنه عايز يقضي بقية حياته معاه؟

= إنتي بتسائليني ولا بتسائلـي نفسك يا «زينة»؟!

- لا أنا بتكلـم في العموم، مش ممكن بعد شوية تلاقي واحدة وتحبـها أكثر، وتحس إن هي دي اللي انت عايز تقضـي معاها بقـية عمرـك؟

= أنا عن نفسـي شفت كـثير وعارـف كـويس إني مش هـبـقـى مع حد غيرـك يا «زينة».. عـارـفة ليه؟ عـشـان أنا بـحـبـ روـحـك يا «زينة»، وـدي حاجة مـبـتـغـيرـش مع الـوقـتـ.

فيلم «أسوار القمر»

أزمة الخوف اللي بتسيطر عليك بعد ما بتختار وتلاقي نفسـك بتـسـأـلـ: هو أنا خلاص كـدهـ؟ هـكـملـ حـيـاتـيـ معـ الشـخـصـ دـهـ؟ طـبـ يا تـرىـ أنا اختـرـتـ صـحـ وـلاـ غـلـطـ؟ وـمشـ معـقـولـ أـبـقـىـ خـدـتـ قـرـارـ وـأـنـاـ عـنـديـ ٢ـ٥ـ سـنـةـ، وـأـفـضـلـ أـتـحـمـلـ كـلـ النـتـائـجـ المـتـرـتبـةـ عـلـيـهـ بـقـيةـ حـيـاتـيـ! مـمـكـنـ يـبـقـىـ اـخـتـيـارـيـ منـاسـبـ لـلـفـتـرـةـ دـيـ، لـلـنـسـخـةـ دـيـ منـ شـخـصـيـ.. لـيـوليـ وـأـفـكـارـيـ فـيـ الـوقـتـ الـحـالـيـ بـسـ.. إـنـماـ بـعـدـ

كده ممكن جدًا أحس إني مش مع الشخص المناسب.. حتى من غير هو ما يتغير.. ممكن أنا اللي أتغير.. وأفضل مكمل بس مجرد إني بنية حياة مينفعش أهدها؛ لأنها مبقتش حياتي لوحدي.

ناس كتير أوي عايشين مع بعض لسه بس عشان خاطرولادهم يترروا بين أب وأم، لازم نبقى مدركون الفرق بين الحب والجواز.

الحب مفيهوش كل هذا الكم من المسؤوليات اللي في الجواز. في الحب إنت بتبقى آه مسئول عن الشخص وسعادته، بس برضو إنت لسه مدخلتش عالم المسؤولية الكاملة.

الجواز يعني إنت بتعمل كل حاجة.. إنت شغال عند مراتك وولادك.. كنت دايماً بسأل نفسي هو ليه أبويا بيقوم كل يوم الصبح يروح شغله، وازاي ما حسش بالملل على مدار ٣٠ سنة؟ إزاي مجاش في مرة واختار نفسه، وقال كفاية أنا عملت لهم كثير؟ إزاي قدر شايل كل المسؤوليات دي من غير حد ما يحسس حد إنه مربوط في ساقية أكل العيش؟ إزاي قدر يوفر كل الفلوس اللي اتعلمنا ولبسنا واتعاجلنا وأكلنا وشربنا فيها، من غير حتى ما يتكلم عن نفسه أو يخرج مرة واحدة من ثوب المسؤولية؟

وازاي أمي كانت بتزقّ المركب مع أبويا، وبتصحي تحضر فطار، وتكتوي هدوء، وتودي مدارس، وتذاكر معانا، وتحرم نفسها من جزمة وشنطة وفستان؛ مجرد بس إنها تجيب لنا إحنا،

وده بعد ما كان دولاً بها مبيقفلش من كتر اللبس اللي عندها؟
إزاي قدرت تنسى نفسها بمنتهى الرضا؟
إزاي كانت بتحوش من مصر وف البيت، وتلم القرش على
الثاني؛ عشان تساعد أبويا في تجهيز إخواتي البنات؟
وازاي كانت بتعمل نفسها شبعانة لو الأكل كان ع القد..
الفلوس اللي بتتشال على جنب عشان طلعة المصيف في نص ٨
من كل سنة.. تفاصيل ملهاش تفسير غير إنها «رحمة ومودة»..
لذلك بعد الجواز التفاهم بييجي قبل الحب.. والرحمة
بييجي قبل التفاهم.

الجواز زمان كان يُعامل معاملة «المشروع».. اللي فيه كل واحد بيؤدي دوره على أكمل وجه.. كان فيه نظام دقيق ولا أفحى
ساعة روبيكس.. كل واحد كان عارف مسئولياته.. واللي بيتعجب
الثاني بيهدون عليه.. وبيشيل معاه لحد ما يتتجاوز فترة التعب دي..
دلوقي الموضع مختلف.. فكرة المسؤولية نفسها والالتزامات
اللي بيتحط فيها الشخص بمجرد ما بيدخل في علاقة، واللي
تقريباً بتتضاعف بعض الجواز، خلِّ معظم الناس مبقاش عندها
طاقة تقاوه، وبقى فيه حالة خوف من الدخول في علاقة.. بقى
فيه هاجس من فكرة القرب نفسها وده اللي بيسموه:
commitment phobia
«الحرية ليست عدم وجود التزامات، ولكن

هي القدرة على الاختيار -والالتزام- بما هو الأفضل بالنسبة لي».

باولو كويلو

الخوف ده مبني على مجموعة من الأسباب؛ أو لها: بيدأ من دائرة الأهل، خصوصاً لما الشخص بيكبر في أسرة مفككة، ده بيخلية يدخل في نفق طويل من التردد والخوف إنه يدخل علاقة فيحصل معاه نفس اللي حصل مع أهله.. وده خوف ليه سبب واضح ومقبول.. خوف مبرر.. ده غير إنك ممكن تبقى دخلت في تجارب سابقة واستهلكتك نفسياً.. أو خصمت جزء كبير من مساحة الحرية الخاصة بيـكـ. أو سابت جواك علامة مخلياك مرعوب تقرب من أي حد وتعلق بيـهـ.. وده خوف مفهوم.. عشان مش هيـخـليـكـ تدخل أي علاقة جديدة غير بعد ما تمر بمرحلة التعافي.. وتسترد صحتك النفسية وتبقى سوي، وقادـرـ تدخل في علاقة جديدة ده غير التجارب اللي بنـشـوفـهاـ حـوـالـيـناـ.. زـيـ إنـكـ تشـوـفـ كلـ أـصـحـابـكـ المرـتـبـطـينـ مشـ حـاسـينـ بـالـسـعـادـةـ.. فـتـحسـ إنـكـ مـرـتـاحـ فـيـ الـوـحـدـةـ.. وـتـخـافـ تـقـرـبـ منـ أيـ حدـ يـحرـمـكـ منـ اـسـتـقـرـارـكـ النـفـسيـ.. وـدـهـ خـوـفـ أناـ بـحـسـ إنـهـ سـجـنـ منـ غـيرـ سورـ.. خـوـفـ مـلـوـشـ تـفـسـيرـ؛ لأنـ صـوـابـعـكـ مشـ زـيـ بـعـضـهـاـ.. وـمـشـ معـنـىـ إنـ فـلـانـ مشـ مـبـسـطـ..

يبقى انت كمان هتبقى زيه.. كل علاقة ولها حياثات مختلفة.. وكل واحد قلبه له كتالوج مختلف عن الثاني.. «عندما تمتنع النساء عن الزواج، فإننا نعتبر ذلك استقلالاً، لكن عندما يمتنع الرجال عن الزواج.. فإننا نعتبر ذلك خوفاً من الالتزام».

وارن فاريل

ولو هنعمل مفاضلة بين مين بيقع تحت تأثير الهاجس ده أكتر.. الرجل ولا السيدة؟! الرجل هييجي في المقام الأول؛ لأن الرجل بيحس إنه على مشارف دخول القفص الذهبي، وإنه ارتبط من رجليه الآتين في حجر، مبقاش خفيف زي زمان، كل خروجة مع صاحبه هتبقى بحساب.. كل سفرية هتبقى بترتيب، ولا كأنه بيعمل خطة نهائي دوري أبطال أوروبا.. ده على اعتبار إن مبدأ إنه يسافر مع صاحبه ده هييقى موجود أصلًا.. خروجته اللي بتتحول من الكافيه لـ«فتح الله»، ومن سهرته مع صاحبه لسهرته قدام التلفزيون في البيت.. العدد اللانهائي من باكداچات البامبرز.. ومصاريف المدارس والسبلايز.. انتظاره للشهر يخلص بفارغ الصبر عشان المرتب ينزل، ورسائل الواتساب اللي بتتحول من «وحشتني» و«بحبك» لـ«هات عيش وانت جاي».. كيس الزبالة اللي هيأخذه كل يوم وهو نازل.. كل دي بتبيان من بره كلبشات.. بتخليلي الرجال خايفه تأخذ الخطوة دي.

على الصعيد الثاني البنات دلوقتي معظمها بيشتغل وعنه
أحلام وكاريير، وكل بنت بتبقى عايزة تتحقق ذاتها، وبتحس إن
الجواز أو الارتباط عموماً ممكن يعطلها.. هي كده كده بتاخذ
مرتب كويس وعايشة مع أهلها، وسعيدة في حياتها، وغالباً
مبتقاش حاسة بالفراغ اللي لازم حد يملأه.. هي كده كده بتلاقي
وقت تنايم بالعافية.. نقدر نقول كل واحد بيقى نايم على الجنب
اللي يريحه.. وحساس إن سعادته كلها في إنه يفضل single.. وده
لأن الطرفين باصين على المسؤوليات بس.. محدثش فيهم عارف
قد إيه قعدتك في بيتك مع مراتك وولادك بالدنيا.. وقد إيه
العيلة الصغيرة دي بتقدم دعم معنوي يخلي أي شخص يشيل أي
مسؤولية منها كانت صعبة.. بالعكس ده بيقى مستمتع برحلة
شقاه عشان ولاده بيقى زي الشمعة اللي بتتحرق بمنتهى الحب
عشان تنور اللي حواليها.. أنا بقول وجهة نظري، وإحساسني اللي
عشته وجربته بنفسي..


ما اقدرش أعاتب حد على خوفه، ولا أقدر أقول حد ما
تخافش.. كل اللي أقدر أقوله إن التزاماتك اللي انت خايف منها..
هي اللي ممكن تعمل حياتك كلها معنى وقيمة.. مسؤولياتك دي
ممكن تبقى دورك الأساسي في الحياة.. لازم يبقى عندك حاجة
تعيش عشانها غير نفسك.. لازم تحاول تصلح كل الغلطات

اللي شفتها في دايرة الأهل أو الأصدقاء.. أو حتى اتعرضت لها
انت زمان.. وعشان ده كله يحصل لازم تبقى بتحب بجد؛ لأن
اللي بيحب بجد عمره ما هيخاف من أي مسئولية، مش هيخاف
حتى إنه يتغير أو حد يتغير عليه.. اللي بيحب بيأخذ القرار وهو
غمض.

نقطة ومن أول الأمان.

* * *

الياipse الخامسة
قفص الأنانية



الأناية

الأناية مش في إنك تحب نفسك.. كلنا بنحب نفسنا..
الأناية هي إنك ما تحبش غير نفسك.

في مرة كنت بتكلم مع أحد أصدقائي عن التضحية في الحب،
وإن الحب قائم على العطاءات اللي إحنا بنقدمها.. والمجهود اللي
إحنا بنبذله في سبيل إسعاد بعض.. بندخل سباق سباق اسمه «أنا
بحبك أكثر»، سباق الفصل فيه للأفعال فقط لا غير، كل واحد
بيأكدر محبته للثاني عن طريق تصرفاته.. وال حاجات اللي هو على
أتم استعداد يخسرها عشان يكسبه، وقلت له إن التضحية هي
إنك متختارش نفسك.. ومتبقاش بتدور على سعادتك على
حساب شريك حياتك.. وتبقى عارف إن الحب «أخذ وعطًا»..
مش معنى كده إنك تبقى بتدي عشان تاخذ.. أو عشان مستني
مقابل لتضحياتك، لكن معناه إنك متتعودش إنك تاخذ وبس.

الأناية ممكن تبقى حد بيحبك بامتلاك، حد فضل يجري
وراك لحد ما طالك وعلقك بيها، وفجأة حسّ إن خلاص
اللعبة خلصت، الأناية ممكن تبقى شخص بيحبك عشان إنت
بترضيه.. مش بيحبك انت قد ما بيحب اللي بيأخذك منه..
الأناية ممكن تبقى شخص عايزك له لوحده.. عايز يحبسك في

قفص الوهم ويقولك أنا خايف عليك.. يوهمك إن العالم كله
بيكرهك وهو الوحيد اللي بيحبك..

بيخليك من دون ما تشعر تدخل في فخ.. وتشوف الناس
كلها وحشة وهو اللي حلو، ساعتها منها الناس حذرتك منه..
بتعمل نفسك مش شايف ومش سامع كل أجراس الإنذار اللي
بتضرب حواليك.. وبعد ما تكتشف إنك اخدت فيه.. بتقول يا
ريتنى؛ وده لأن اللي بيختلف على حد بيديله مساحته، مش بيقيده..
مش بيأخذه من الناس اللي حواليه.. مش بيشكله على مزاجه..
اللي بيحب حد بيحبه زي ما هو.. من غير ما يخنقه أو يحسسه
إنه مربوط.. الحب مش فرض سيطرة ولا دكتاتورية قائمة على
أمر ونهي.

مش تحكمات في أسلوب حياة أو طريقة تفكير.. الحب
هو إني أخاف عليك، بس أبقى سايبك براحتك.. أحذر من
الغلط، ولما تغلط مش هشمت فيك، ولا هعلق لك مشنقة..
بالعكس أنا هاخد بإيدك، وهبقي حريص إنك ما تكررشن
غلطتك دي تاني.. هقف جنبك مش هقف قصادك.. هكمل
معاك مش هكمل عليك.. هاخد رأيك.. وهسمعك وتهتم
بكل كلمة بتقولها.. ححسسك إنك لك قيمة ودور في حياتي..
مش هخليك مجرد ضلّ ليا.. مش همحي شخصيتك عشان أظهر
شخصيتي.. ولا هتباهي بإنك مبتكسرش كلامي.

الحب يعني أعمل اللي يريحك وأبقى حريص على صورتك
قدام الناس.. مجرحكش بكلمة.. ولا أقلل منك عشان أبان مسيطرك
عليك أو متحكم فيك.. الحب يعني احترام متبادل.. يعني أبقى
عارف إن ليك شخصية مستقلة وأحترم رغبتك في إن يكون ليك
كيان، وعندك حلم، ولليك رأي من حقك تقوله، حتى لو أنا مش
مقطوع بيها.. الرجل الحقيقي عمره ما هيخاف يرتبط بست قوية
أو عندها شخصية.. وده لأنه واثق في قدرته على احتواها.. وهي
كأن عارفة إن المركب ليها رئيس واحد.. ووقت الجد والأزمة مش
هتراجعه في رأيه وتقف جنبه، وتبقى بمليون راجل وصاحب.

عشان كل ده يحصل لازم تبقي عارف إن حبيبك على ما
تعوده.. وده لأننا احنا اللي بنصنع أناانية اللي بنحبهم.. إحنا
اللي بنتهادى في العطاء لدرجة إنهم بينسوا إننا لينا حقوق.. إحنا
اللي بنقدم تنازلات لا حصر لها.. مجرد إننا عايزين نرضيهم،
وبنحصد نتيجة التنازلات دي خذلان وندم.. إحنا اللي بنقدم
فروض الطاعة اللي بتخلينا عايشين في بروازهم وبشروطهم
هما.. بنحبهم أكثر من نفسنا فيحبوا نفسهم أكثر ما بيحبونا..
 ساعتها الغرور بيملأهم وبيتحولوا لأشخاص تانيين.. بتصدم
فيهم وبنحس إننا أول مرة نشوفهم.. وبنرجع نقول لنفسنا مش
ممكن يكونوا هما دول اللي حبيناهم في الأول.

كانوا كده، وإننا اللي فوقنا متأخر؟».

الحقيقة إنهم اتغيروا.. محدثش بيتولد أناي.. ولا حد بيدخل حياتك بيبقى عايز يأخذ وبس.. لكن اللي بيحصل هو إن فيه حد اتعود على جرعة معينة من التضحيات.. لدرجة إنه مبقاش يشوف تعبك تعب حقيقي.. بقى شايف إن ده الطبيعي.. وإنك لو معملتش كل اللي تقدر عليه عشان ترضيه تبقى انت اللي مقصراً وانت اللي غلطان.. وانت وقتها بتبقى هتتجن.. إزاى اتشاف مقصراً وعامل كل اللي تقدر عليه وأزيد.. إزاى أبقى بعمل كل ده وباجي على نفسى للدرجة دي، وانت مش مقدر.. خصوصاً إننا لو راجعنا شريط الأحداث.. هتلافقه معملتش عشانك العادي، في الوقت اللي انت عملت عشانه المستحيل..

- ياسمين أنا مش عايز أكمل، أنا أخنقتك، مش حقدر أبقى بطل الفيلم بتاعك، مش عايز أتعبك معايا أكثر من كده.. صدقيني أنا حاولت بس حاسس إن أنا بزق في حيطة، كده أحسن.

= طبعاً كفاية عليه كده.. لحسن تفوتك حاجة أحسن مش كده؟ على فكرة إنت مابتفكرش غير في نفسك.. إنت عمرك حبتني؟؟؟ إنت عمرك حبيت أي حد؟ اللي مجعني إن الناس كلها كانت عارفة حقيقتك إلا أنا ما صدقتهمش ودافعت عنك.

- ياسمين.. أنا ماضحةكتش عليكى، يمكن في الأول كنت كده، بس لو كملنا مع بعض مش هقدر أبقى مخلص، وأنا مش عايز

أعمل معاكي كده، ومع ذلك أنا عمري ما خنتك ولا حتى فكرت.
= لأنّ برافو ما كنتش أعرف إنّها تضحيّة كبيرة بالشكل ده..
على فكرة إنت صعيбан علياً أوي، أنت قعدت تجري وراياها شهور
علشان توصل حاجة واحدة بس مع إنّ كان عندك كل حاجة..
على فكرة أنا مش ندمانة عشان الحب أجمل حاجة في الدنيا، وأنا
حبّيتك بجد، واستمتعت بكل لحظة حب فيها، كنت حاسة إني
طايّرة وكانت فرحانة.. إنت كنت كل حاجة في حياتي.. بس
عشان تبقى فاهم بقى أنا هخرج من هنا، وهقدر الاقي حد أحبه
واديله كل حبي وهيقدري.. بس أنت قدامك سكة من الاتنين
يا حتموت لوحدك يا حتعيش مع واحدة مش طايق تبعص في
خلقتها.. بس اللي أنا متأكدة منه بقى إنك عمرك.. عمرك ما
حتعرف الإحساس اللي أنا عشتـه».

فيلم «السلم والتع班»


وقتها بتحس بأقصى أنوع الخذلان، بتحس إن تعبك كلـه
راح ع الأرض.

عقلـك بيقف عند لحظة معينة بتبقى مش عارف اللي انت
عملـته ده صح ولا غلط.. وهـل كان لازم تختار نفسـك وتحبـ
بعقلـك؟! وهو الحب بالعقل ده يبقى اسمـه حب؟! ممكن في لحظـة
زي دي تكرـه نفسـك.. تكرـه قلبـك اللي بيحبـ من غير فرامـل..
وتقـول كان عـقلي فيـن وانا بـعمل كل ده فيـ نفـسي.. واـزـاي مشـيتـ

السكة دي لآخر.. وإزاي وافت أكمل في علاقة قايمه على
تعبي أنا بس.. تبص وراك.. تلاقيك مخدتش غير وجع قلبك..
ويصعب عليك كل المرات اللي قطعت فيها من روحك واديته..
يبقى زيك زي اللي حط تحويشه عمره في مشروع وخسرها..
الأناية مشكلة حلها الوحيد إنك تتعلم امتى تبطل تدّي.. إمتي
تقول لا.. أنا مش هاجي على نفسي تاني.. أنا لازم آخذ موقف.
أول ما تحس إنك في علاقة بتاخذ منك أكثر ما بتديك..
امشي.. إنت الكسبان.. وإلا هتفضل طول عمرك تزرع في
أرض بور.. اللي بيحب نفسه أكثر منك يبقى مبيحبكش..
مايستاهلكش.. اللي ميحطكش اختيار أول في حياته مينفعش
يفضل في حياتك لحظة واحدة.. عارف إنك هتتعب شوية
وتهتعاني من أعراض الانسحاب.. بس الخسارة القريبة
دلوقتي.. أحسن بكثير ما تعيش تبني في حد بيهدك.. الحب يعني
«إحنا».. يعني أنا أتعب عشانك، وانت تقدر تعبي.. تحس بقيمة
اللي بعمله.. تبقى متن لتضحياتي.. ساعتها أنا هعمل المستحيل
وانا شايف إنه عادي.. وهحس إني بتعب عشان الشخص اللي
يستاهل.. الدنيا مش هتقف على حد منها كنت بتحبه.. وكل
الناس ممكن حالها يتصلح إلا «الأناني».. الأناني مبيحبش حد
وعشان كده ميستاهلش إن حد يحبه.

* * *

الياipse السادسة
الياipse الكاذبة



«لو نصاري بعض»

الكذب

الكذب هو كرة التلوج اللي بتتدرج لحد ما تأخذ كل حاجة في سكتها في الآخر.. وده لأن أي علاقة في الدنيا قايمة على جدار اسمه «الثقة».. الثقة لو انهارت.. أي حاجة تانية مش هيقوى ليها أي معنى!

مفيش كدب اضطراري، الكذب اسمه كدب في كل الحالات، مفيش كدبة صغيرة أو كدبة كبيرة.. اللي يكذب في دي يكذب في دي، وما دام فيه كدب يبقى فيه سر، وكل ما الأسرار بتتكلر بين أي اتنين بيعحبوا بعض كل ما المسافة اللي بينهم بتزيد.. كل ما هما الاتنين بيحسوا إن فيه حاجز ما بينهم.. الصراحة اللي تخلينا نخسر بعض دلوقتي.. أحسن من الكذب اللي يخلينا نتصدم في بعض ونخسر بعض بعدين.. الكذب أول خطوة في طريق الخيانة.. الكذب مش بس إنك متقولش الحقيقة.. الكذب كان هو إنك تخبي حاجة لازم تقوها.. حتى لو الثاني مسائلش عنها.. لازم انت من نفسك تروح تقول.. عشان ميجييش اليوم اللي تتسأل فيه سؤال متعرفش تجاوب عليه.. أي كلمة بتقوها

وانت مش حاسس بيها كدبة.. أي ضحكة مش من قلبك
كدبة.. أي مشاعر بتمثلها عشان ترضي الطرف الثاني كدبة.
استمرارك في علاقة انت مش مرتاح فيها..

كتبت في قصيدة تزوير في مشاعر رسمية:

«كان كل كلامي اللي بيتفا

متقال علشان تطيب خاطر..

كدادب شاطر

أقنعها انها كل حياته..

مع إنه أناي بيتسلى..

مشكلتي اتحلت؟

لا بالعكس..

الطين عمال بيزيدي بلة..

عايش وبكمel حدوتة أنا عارف إيه هو آخرها

وهقّضي معها يومين حلويين

بعديها هدور على غيرها»

وعشان كده متقولش لحد إنك بتحبه عشان ترضيه.. قولها
وقت ما تبقى حاسسها.. لازم إنت تكون أول واحد مصدق نفسك
وانت بتقول اللي جواك.. كل العلاقات اللي في الدنيا بتمر بأزمات..
وبفترات ملل وبأيام طويلة من الفتور والجفاف العاطفي..
انسحب وقتها..

خد جنب لحد ما تسترد مشاعرك ناحية اللي كنت بتحبهم..
الحب الحقيقي مش هيختفي في زحمة المسافات.. ابعد شوية
عشان تعرف ماهية مشاعرك.. وهل فعلًا كنت بتحب بجد ولا
خلاص؟ أو على الأقل لسه بتحب ولا بطلت؟! هو أنا ممكن أبقى
بحب حد وأبطل أحبه؟! الحقيقة أيوه.. وده لأنك كنت بتحب
نسخة سابقة من نفس الشخص.. نسخة اتغيرت بالوقت لنسخة
جديدة انت متعرفهاش ومش قادر تحبها.. إحنا بتتغير بالوقت..
ولازم مشاعرنا تجاري التغيير اللي بيحصل في شخصيتنا.. وإلا
هناقي نفسنا عايشين مع بعض بس مش حاسين بحاجة..
بنحب بعض في ذكرياتنا وفي مراحل حبنا الأولى.. وده لأن
الملل عامل زي الصدأ اللي بياكل قلوبنا.. بنمل عشان دي سنة
الحياة.. وعشان إحنا قدام بعض طول الوقت.. العين لما بتعتاد
وجود شيء قدامها مبتشفوش.. ما بالك بالقلب.. إحنا بنمل
عشان كده هييجي وقت، والدنيا تاخذنا، ونتلهي في زحمة
الالتزامات.. إنت كزوج هتلهي في شغلك، والأيام هتاخذك
من كل حاجة.. هييجيلك وقت تبقى بتصحي تروح الشغل
وترجع تنام.. وهي كمان حياتها هتنزح بالبيت والولاد وبكل
واجبتها كأم.

كلنا بييجي علينا وقت ونسى بعض.. ونبيقى بنقول ونعمل
كل حاجة من ورا قلوبنا.. هنمر بفترات زهرق مش هتخلاص غير لو

فضينا لبعض شويه.. جددنا حبنا.. فـَكُـرنا نفسنا بالنسخ القديمة..
وراجعنا شريط حياتنا من الأول.. وافتكرنا أول مرة اتقابلنا..
وإزاي كان فيه هفة في السلام والكلام.. وإزاي كنا بنسنن الأيام
اللي هتقابل فيها بفارغ الصبر.. وإزاي هي كانت شايلاك في
تعبك.. وإزاي انت شقىت عشان تبقى معها في بيت واحد.

كلنا عندنا حواديت من دي.. كلنا عندنا ذكريات محتاجين
نفكّرها من وقت للثاني.. الملل شرّ لا بد منه.. بس لازم نقاومه
ونتغلب عليه.

في مسرحية «العيال كبرت».. قد ييدو مشهدًا كوميدياً
لكنه من أوقع ما يكون.. لما سعيد صالح كان بيشرح لكريمة
ختار إزاي تجدد في معاملتها لأبوه عشان متجيشه واحدة تانية
تخطفه.. أنا متفق معاكوا إن الرجل اللي عنده ضمير عمره ما
هيبيص بره.. ولا هتيجي واحدة حتى لو نازلة من السما تاخده
من بيته وعياله.. بس إحنا بشر.. وقد نمر بلحظات ضعف..
قدام كلمة حلوة بطلنا نسمعها في البيت وسمعنها بره..

سعيد صالح كان بيقولها:

- = ماما انسى الطبخ شوية وفكري في نفسك..
- الحمد لله باكل كوييس وأنام كوييس..
- = إنتي مفيش في بؤك غير الأكل والنوم؟
- إزاي يا سلطان؟ الغسيل.. لسه لـّالكم غسيل قد كده أما

الحق أخشن أطبه.

= يا ماما.. يا ماما افهميني، فيه حاجات أهم من الطبيخ
والغسيل لازم الست تفكير فيها.

- قولي إيه أهم من كده؟
= بابا مثلاً.

وبعد كده بشوية قال لها:
= بصراحة لازم تغيّري نفسك.. لازم تتقلبي.
- أتقلب؟! راجل؟!
= لا ست.

- أو مال أنا إيه يا سلطان؟!
= إنتي أم.. أم عظيمة ست بيت هايلة، أجدع ستب بيت
في الدنيا، أجدع واحدة تطبخ محشي ومكرونة في العالم.. كل اللي
بتفكري فيه ولا دك وبيتك وبس.

- طب إيه أهم من كده بقى?
= جوزك!

الست غصب عنها بتنسى الرجل، وبختصر دوره في
الالتزاماته ناحية البيت.. الرجل بعد فترة بيحس إنه موظف في
البيت زي ما هو موظف في الشغل.. كل دوره إنه يكفي بيته
بس.. لحد ما بيقى ده الطبيعي بتاعه بعد كده.. وأما تيجي
الست تسأله عن محبته واهتمامه يقول: هو البيت ناقصه حاجة؟!

كل الرجال اللي في العالم اتفقوا على نموذج واحد من
الستات.. واختصروا فيه أحلامهم كلها..

النموذج ده كان شخصية «روقة» في فيلم العار.. حتى نور الشريف وهو يقدمها لإخواته كان معتز بيها وبيقولهم: «روقة الست بتاعتي».. ساعتها حسين فهمي كان مستغرب جدًا من اختياره، وقاله: بقى تطلق بنت الإخشيدى بييه.. المثقفة الشيك، وتنجذب بنت بلدى زى دي؟!

اجتماع الرجال حوالين شخصية «روقة» من يوم ما كتبها محمود أبو زيد لحد النهارده كان في إنها ستن كانت هي مساحة الراحة والسكينة في حياة جوزها.. لدرجة إنه قال عنها: «كنت بقلع همومي على عتبتها».. الشخصية كان ليها ظروف خاصة.. خصوصاً إنها مكانتش بتخلّف.. فكانت حاسة بشيء من النقص، عوّضته بإ أنها كانت بتعمل المستحيل حرفياً عشان ترضي جوزها.. كانت بتقدم له كل ما تستطيع من الاحتواء والاهتمام وحرفيًا مبترفضلوش طلب، كان هو ابنها الوحيد.. لدرجة إنها ضحّكت بروحها عشانه.

طبعاً تظل «روقة» شخصية سينمائية، والواقع مغاير، خصوصاً لو جينا نحسبها كويس، هنلاقي إن «روقة» اتظلمت في النهاية.. لكن خلينا ناخذ جانب واحد من الشخصية، الجانب اللي كل الرجاله بتشوفه إيجابي ومريح، بعيداً عن باقى

الأحداث.. لازم الست تلاقي مساحة لجوزها في زحمة أيامه.
لازم يحس إنه ليه وقت في جدوها.. لازم يحس إنها بتدور
عليه.. وكذلك الرجل لازم يخليل الست عايشة في أمان معنوي..
وواثقة إنها لو سابتة وسط مليون ست مش هيدور غير عليها
هي.. الملل عقبة لازم نتجاوزها عشان منبقاش مضطرين
نكدب أو نزور مشاعرنا تجاه بعض عشان اللي بيكتب النهارده
سهل جدًا إنه بكره يخون.. لو مقدرتش تخرج سجن الملل..
ولقيت نفسك مش قادر تكمل غير وانت بتكتب «امشي»..
وزي ما قالت أنغام في أغنية لو نصارح بعض اللي كتبها الشاعر

«لو نصارح بعض في بداية لقانا..»

لو في يوم ملينا أو ضعننا في هوانا..

نتفق بعد ونسی کل شیء..

الفرق أهون كتير أوي مـ الخيانة

كل واحد يمشي حرّ.. ليه نعيش في عذاب ومرّ

الفارق جرح لحظة والخيانة جرح عمر».

اللي بيكتب مش هيروح النار اللي في الآخرة بس.. الكدب
ممكن يدخلك النار اللي في الدنيا برضو!

* * *

اليابسة السابعة
الرحيل



النهاية

«كنا بنقول إن الفراق ده مستحيل»

كلمة النهاية مرعبة أوي..

كلمة بتحسسك إن كل حاجة بتخلص إن كل اللي عشته وحلمت بيها، واتمنيت إنه يدوم بيتهي، واقف بتشوف كل اللي بننته بيتهد قدامك، ومش عارف تعمل حاجة، مش عارف تقول حتى «استني».. عشان اللي عايز يستنى بجد مبيستناش حد يقوله..

كلمة «الفارق» هي أكثر كلمة بتقبض قلبي، وبتحسستني إني هبقى لوحدي، أنا أصلاً لحظات الوداع بتقطف كل الورد اللي في روحي وبتدبلي، وداع أي حد.. كفاية أصلًا إنه اسمه وداع.. فكرة إنك مش هتشوف حد تاني.. وإن خلاص دي آخر مرة.. آخر نظرة عين أو آخر حضن.. أو آخر كلمة.. ساعتها بتسأل نفسك هو خلاص كده فعلًا؟!

وقتها حتى لو قضيت حياتك كلها مع الشخص ده بتحس إنك مشبعتش منه.. بتحس بلسعة برد.. برد الوحيدة عشان كده بقيت ماشي بودع كل حاجة عشان لو جرى لي حاجة أو جرى لهم حاجة.. يبقي آخر مشهد نهايته سعيدة..

بدخل كل الأماكن كأني آخر مرة هدخلها.. بحضن كل الناس، وبطول في السلام.. وبرغي على قد ما أقدر.. حياة الإنسان ممكن تغير في لحظة.. ممكن مكالمة تليفون تخليك شخص تاني مدى الحياة.. ممكن خبر تعرفه يقطم حلة كبيرة من روحك.. أنا كنت بسمع عن الموت.. عمره ما قرب من حبابي.. أو عمري حتى ما كنت بشوف حد كل يوم وفجأة مات.. بس مرة واحدة ومن غير أي مقدمات أبويا قال لي: «جدتك ماتت». كنت عارف إنه بيقول الحقيقة.. بس عقلي رفض يصدق.. رفض يشوفها ويسلّم عليها، رفض يقف قدام قبرها، أو يدخل بيتنا القديم من يوم ما ماتت.. سبت كل حاجة زي ما سبتها آخر مرة.. وقلت لنفسي هي هناك.. وأقنعت نفسي إني أنا اللي مقصر، ومتش بروح أسأل عليها.

في قصيدة على باب مطار القاهرة كنت بوصف مشهد فرافي لأنّتي.. المشهد السنوي المعتمد كل مرة بعد ما أجازتها، وترجع على الرياض:

«مشهد وداع..

أختي بتنزل بالشنط..

ودموعنا نزلت جري ورهاع السلم

سكت الكلام والحضن..

خد راحته واتكلم

فحضنها وكأني آخر مرة هحضنها..

وكأنى مش هحضرنها غير مرة

نزلت دموعي جوا مني ومنها فضحكنا من بره

قولت لها كويس على فكرة.. هتفضي البيت

فقالت لي براحتك اشبع بيـه.. لكن خد بالـك من ماما

«مها» دايماً نكديه وعلى طول تقلبها مشاعر ودراما

سبتها ومشيت وجريت ناحية.. أقرب شباك الملح عينها

بصيٰت علشان أشبع منها..

مشبعتش مين فينا بيشبع .. من حد في وقت ما بيسيبه

ده الواقع وده داييًّا عيبه..

إِنَّا فِي أَيَّامٍ فِيهَا وَطَنُنَا مَاشِي يَوْقَعُ نَاسٌ مِّنْ جِبِيلٍ

عندی فوبيا من المطارات.. من مجرد فكرة إن فيه حد بحبه،

وفيه بيبي وبينه مسافة.. فكرة إني مش هعرف أشوفه وقت ما

أحب.. عشان كده لو بتشوف اللي بتحبهم وقت ما تبقى عايز

فانت في نعمة كبيرة ربنا ما يحرملك منها.. وانا في ثانوي كنت

بهرب من المناسبات العائلية والتجمعات اللي فيها قرائيي.. لما

كُبرت بقيت بشحت المناسبات اللي تجمعننا، وبقيت بقعد في

ووسطهم، وأضحك من قلبي.. وأستطع لقاهم وقعدت معاهم،

وونسهم اللي عندي بالدنيا.. أوقات الفراق بي عملك صدمة كده

بتحسن إن عقلك هنجر.. وتبقي عامل زي العيل الصغير لما يتوه

في حته، ويقى مش عارف يرجع بيته إزاى.

«عندما قالوا لي في المستشفى إن زوجتك ماتت، لم أعرف حينها ماذا أفعل.. كنت أريد أن أذهب إلى المنزل لأخبرها بما حصل؛ لكنني تقول لي هي ماذا أفعل».

ليو تولستوي

أول ما سمعت أغنية حماقي «صابر على حالي» مكانتش معلقة معايا أوي، لحد ما سمعت فيها جملة بتقول «تاني يا قلبي تاني.. هبقى لوحدي تاني»، الجملة دي قسمت روحي نصين، حسيت إني عايز أقول له أيوه ده أنا.. دي مشكلتي الأبدية.. ده فيلم الرعب اللي بشوفه كل يوم.. أنا بفضل أتنازل وآجي على كرامتي، وأقدم السبت والحد، وأولع صوابعي العشرة شمع، عشان مخسرش اللي بحبهم.. أنا لو عاملت اللي بحبهم بالمثل..
هصحي ألاقيني عايش في الدنيا لوحدي!

جيت في فترة كنت برمي ورا ضهرى.. اللي عايز يمشي الباب مفتوح.. مشيت وبصتش ورايا، وكنت مرتاح طول الفترة دي.. بس قلبي رجع في كلامه.. معرفتش أعيش لوحدي.. كنت مرتاح آه بس مكتتش عايش.. كنت مرتاح من عذاب كرامتي اللي باجي عليها، وقلبي اللي بحطه تحت رجلיהם.. مشكلتي إني لما بحب، الفرامل بتسيب عندي.. بنجرف وبحب

بكل ذرة في جسمي وروحي.. وللأسف ده كان دايهاً بيستغل
ضدي.. الناس كانت تشف أنا بحبها قد إيه وتسبب لي أذى
بنفس القدر.. وأنا كنت شاري والله.. رغم ده كله شاري وباق
عليهم وبقول معلش وبعذرهم وبقول جايز المشكله فيا.

فضلت أعمل المستحيل عشان أرضيهم لحد ما المستحيل ده
بقى الطبيعي.. ومبقاش حد يحس بقيمة اللي بعمله أو بالتعب
اللي بتعبه عشان يبقوا مبسوطين.. أنا عمر ما كان عندي طلبات..
ولا كنت عايز حتى أسمع كلمة شكرًا، أنا كنت عايزهم يعاملوني
زي ما بعاملهم.. كنت عايز أتحب وانا عايش.. وأحس بحبهم
ده.. مش لازم أبقى مرمي في مستشفى أو بموت عشان أحس
إن فيه حد بيحبني ويخاف عليا.. كنت عايز أعرف قد إيه أنا مهم
بالنسبة لهم، وقد إيه فارق معاهم.. كنت لما بقى متضايق أوي،
وكرامتي تنفع عليا، وأقول خلاص أنا هقطع علاقتي بهم..
آجي أقو لهم «امشو» أخاف.. أخاف ليمشوا فعلًا.. الحقيقة
معرفش أنا عشت ازاي بكل الضغط النفسي ده.. بس أنا كنت
في حالة إدمان.. وربنا يكفيكوا شر اللي بيعبك لما بيفوق ويختار
كرامته.. ساعتها بيحرق ذكرياتك كلها بجاز.. بيرجعلك غريب
في لحظة.. بيمسحك من حياته بلا رجعة.. أنا عارف إن الفراق
سلو وسنة من سنن الحياة، ومحدث دايم للثاني.. وإن حتى
«الفرق الدبلوماسي» فراق برضو.. وبيوجع برضو وعارف

كان إن فيه علاقات لازم تنتهي.. ومؤمن جدًا إن الفراق
يمكن يحصل بشكل ودي.. بس كل ده منها حصل مش هيقلل
من وجع الفراق.. وممش هيحد من صدمتك وانت شايف كل
حاجة بتنهار.. عشان إنت من الأول مكتتش ناوي تيجي عشان
تمشي.. إنت كنت عايز تبعد في القلب ده.. وتستقر وتكلمت
حياتك معاه.. إنت تخيلت سناريو السعادة الأبدية.. تخيلت
أحلامك بتتحقق.. التجوزتها وسميتواولادكوا، واتفقتو على كل
حاجة إلا الفراق.. محدثش مننا بيأخذ باله وهو بيخطط لبكره إن
فيه خطة إلهية بالفعل موجودة.. وإن فيه قسمة ونصيب، وإن
القلوب أرزاق.

حتى الناس لما بيموت لها حد بتبقى مؤمنة إن ده قدر ربنا،
وإن دي حكمته وبترضى بيه.. بس تقولك «هو بس وجع
الفارق».. عشان كده ربنا من رحمته خلق النسيان والصبر وخليل
الدنيا تلاهي.. عشان محدثش يفوق لأوجاعه، وإلا كانت هتبقي
الحياة مستحيلة.. في ديوان «تفاصيل الوحدة والونس» كانت
آخر جملة في الديوان بتقول:
«اكتشفت بأن فعلًا الفراق أحسن بدایة».

عشان ربنا وحده العالم.. محدثش عارف لو العلاقات اللي
انتهت دي كانت كملت كان يمكن يبقى حال أصحابها إيه..
وعشان أنا من أنصار إننا نسيب بعض دلوقتي، وننهي الموضوع

بااحترام أحسن مانكمل، ونكره بعض قدام.. يعني زي ما جدتي
كانت بتقولي: «وجع ساعة ولا كل ساعة»..

أتوجع دلوقتي وتبقى فترة انعدام وزن وتعدي.

يا إما أكمل وأفضل أتوجع طول عمري؛ ده لأن العلاقات
المهلكة نفسياً بتبقى عاملة زي الشجرة اللي لازم تقطعها.. وكل
ما بتتأخر في قطعها يوم.. كل ما الشجرة بتكبر، وكل مانت
بتضعف، ومتبيقاش قادر تقطعها من الآخر كده.

«يا تكون فارق.. يا تفارق

رغم إنك في الحالتين

عمرك ما تكون مرتاح

ودع واتووجع فترة..

أحسن ما تعيش

بتخبط على باب

ملهوشن مفتاح».

ديوان «الحزن البعيد الهادي»

نقطة ومن أول البدايات

* * *

عامٌ فِيهِ يُعَاثُ النَّاسُ

يقال والمعهدة على الراوي إن أحد الملوك طلب من الوزير بتاعه يكتب له على الخاتم جملة إذا قرأها وهو سعيد يحزن.. وإذا قرأها وهو حزين يفرح..

فالوزير كتب على الخاتم جملة بتقول: «هذا الوقت سيمضي». وده لأن من أكبر النعم اللي في حياتنا كبشر هي نعمة التجاوز، تكاد تكون أكبر من نعمة النساء.

ده لأنك بيسيقى عندك القدرة على إنك تعدّي من كل الأحداث اللي بتمر بيها حتى لو فاكرها، تقدر تعيش رغم كل ندباتك القديمة، تقدر تمر من عنق الزجاجة لتنفس جديد، تقدر تعيد إنتاج نفسك ومتوقفش حياتك عند شخص أو عند حدث معين.

من حوالي سنّه كنت راجع من السفر، وكانت مراتي معايا، وملحقناش كرسي ليها جنب شباك الطيارة، ودي حاجة بتفرق معاهَا شوية، وأنا بقدّر ده.

أول ما دخلنا الطيارة لقيينا ٣ كراسٍ جنب بعض منهم كرسي جنب الشباك، على طول لقيتها دخلت قعدت على

الكرسي.. فحاولت أفهمها إن الكرسي مش بتاعنا، قالت لي نستأذن من الشخص اللي هييجي يقعد، وفي الوقت ده ظهرت في الكادر «ألكسندرا» صاحبة الكرسي اللي في وسط قعدتنا المليانة بالدردشة عن السفر والأحلام وإعادة اكتشاف الذات، قالت لي إنها فقدت ابنها الكبير في حادثة..

وقتها كل حاجة في حياتها التجمّدت فعلياً.. وإنها فقدت قدرتها على التواصل مع الناس، والتواجد في المناسبات الاجتماعية والعائلية.. استغربت جداً؛ لأن السيدة اللي شفتها على الطيارة كانت مختلفة تماماً عن السيدة اللي هي بتتكلم عنها.. قالت لي إن مامتها كانت بتطلب منها بشكل يومي إنها تزرع ورد في الجنينية اللي قدام البيت عندها، وإنها مكانتش مهتمة بكلامها في الأول، بس بعد فترة من الإلحاح قررت تستجيب أخيراً، وبدأت فعلاً في زراعة أنواع مختلفة من الورد في الجنينية، وتشوف الورد وهو بيكبر، وقالت لي على حد تعبيرها: حسيت إن جزء من روحي بينمو مع كل وردة بتفتح في الجنينية.. وبعد فترة بدأت تتجاوز حزنها، وتخرج من دائرة المغلقة، وتتعرف على ناس جديدة، وتعيد اكتشافها لنفسها، وتبدأ حياتها من تاني.

قالت إنها اكتشفت في نهاية المطاف إن الحياة هتستمر، سواء تجاوزت حزنك أو فضلت فيه.. وإنك لازم تدي للدنيا فرصة تانية تاخذك.. وتسيب الوقت ياخذ مجراه.. وإن الحزن هيفضل

كبير طول مانت لوحدك.. وعشان كده لازم تبدأ تاني مهمها كان حجم الخسائر اللي اتعرضت لها، ومرىت بيها في حياتك.

أنا عن نفسي مدرك تماماً إن الحزن جزء من الحياة، وإن لو لا الحزن اللي بنعدي منه السعادة مكاش هيبقى ليها أي قيمة، وإن أصعب الساعات برضو بتبقى ستين دقيقة، وإن في النهاية «هذا الوقت سيمضي».

فهرس الموضوعات

٥	تقديم
٩	القسم الأول: السنبلات الخضر
١١	السبلة الأولى: البرعم
١٣	سحر البدائيات
٢١	السبلة الثانية: الفروع
٢٣	«زدي بفرط الحب فيك تخيراً»
٣٥	السبلة الثالثة: السبلة الصادقة
٣٧	«واللي صدق في الحب قليل»
٤٣	السبلة الرابعة: الجذور الثابتة
٤٥	الذكريات
٥١	السبلة الخامسة: العتاب
٥٣	«حلو العتاب»
٦١	السبلة السادسة: السبلة الطيبة
٦٣	«بالكلام الحلو ترجع لي ابتسامتي»
٧٣	السبلة السابعة: البقاء للأجمل

٧٥	«اوعي تمشي»
٨٣	القسم الثاني: «آخر يابسات»
٨٥	اليابسة الأولى: سنبلة وحيدة في الصحراء
٨٧	«الوحدة» - «محتاج لحد أكمله وأكمل معاه»
٩٧	اليابسة الثانية: العطش
٩٩	«قليل منك يكفيوني»
١٠٧	اليابسة الثالثة: الإهمال
١٠٩	الإهمال
١١٧	اليابسة الرابعة: أزمة الخوف
١١٩	«الخوف»
١٢٧	اليابسة الخامسة: قفص الأنانية
١٢٩	الأنانية
١٣٥	اليابسة السادسة: اليابسة الكاذبة
١٣٧	«لو نصراح بعض»
١٤٥	اليابسة السابعة: الرحيل
١٤٧	النهاية «كنا بنقول إن الفراق ده مستحيل»
١٥٥	عامٌ فيه يُغاثُ النَّاسُ